

YUHANĒ

LAAPAALĒ KOPAN

Kòkò ñka ka naa yèlaa tɔ na pa weesugu halo

1 Faii na pɛcɔ Isɔ ñmaakè antulɔnya tɔ, Tɔm ka wɛɛ kɛ. Na Isɔ cɔlɔgɔ Tɔm ini i ka wɛɛ, na Tɔm ini i ka tii kɛ Isɔ kɛ. **2** Ye mpo Isɔ cɔlɔgɔ i ka wɛ hatuu kancaalaga tɛcɛcɛ. **3** I niɲ kɛ Isɔ lapɔna pɛ tɔna, na polo cɛcɛka fɛi mpi pɛ lapa na i niɲ fɛi pɛ taa tɔ. **4** Ini i kiɲ kɛ weesugu wɛɛ, na weesugu ñko ko yelina na kòkò kɔɔ yèlaa kiɲ na pɛ naa-wɛ. **5** Kòkò naakè sɛkpɛtogo na sɛkpɛtogo ta teesi-kɛgɛ paa pɛcɔ magamaga.

6 Mpogo Isɔ tila i tillu nɔgɔlo na pa yaa-i sɛ Yuhanɔ. **7** Ilɛ i kɔma sɛ i holɔgɔ kòkò ñka ka naa mpo tɔ ka yaasi. Na i kɔntɛ nyogo ntɛ sɛ i yɔgɔtɔ na yèlaa tɔna mo, na pa tɛɲ-tɔ. **8** Pɛ taga ini i magamaga i kena kòkò ñkɛ, ama i kɔmaga sɛ i kɛɛsɛgɔ kòkò ñkɛ ka yaasi. **9** Kòkò ñkɛ ka tike ka kena tampana nyɔɲka, na ka kɔɲ antulɔnya taa na ka yeki na yèlaa tɔna naakè.

10 Tɔm ini i tii atɛ cɛnɛ, paa na mpo yèlaa ta nyɔmɔ-i, piyele i niɲ kɛ Isɔ ka lapɔna antulɔnya. **11** I magamaga i tɛgɛ i kɔma, ama i tɛ nyɔma ta mo-i. **12** Paa na mpo kolom kolom mo-i na pa tisi i tɔm, ilɛna i la sɛ pa pɛsɛ Isɔ piya. **13** Pɛ taga isi mpe pa nɔkɔna konɔko na pa pɛsɛ Isɔ piya, isi pɛ lologo yèlaa kɛ atɛ cɛnɛ na paa awe wɛna i caa tɔ, ama Isɔ lapɔna i magamaga sɛ pa pɛsɛ i piya.

14 Tɔm ini i pɛsa yolo tɛkpataa na i kɔɔ na i caga ta hɛko, na i pɛɛlɛɛ na i tampana fɛina taka. Na tɔ nawa i teeli kɛ teu, teeli inɔgɔ ta Caa ha Pɛyaga ikpamlɛ. **15** Yuhanɔ ka yɔgɔta i tɔm na i kpaalɔ sɛ i tɔm kɛ ini i ka yɔgɔtaa, sɛ i waalɔ nɔgɔlo ka tɛ na i kɔɔ, ama i kɔla-i, pɛ taga polo, pa lola ini tɔ, i magana-i kɛ.

16 I kopanto sɔsɔnto tɔɔ ta tɔna tɔ nɔɔ i lelenɲ pɛ tii fɛi, na i lapa-togo kopanto kɛ tɔma tɔɔ, tɔnɛ tɔ tɛɲ na tɔnɛ tɔ lɛɛtɔgɔ. **17** Moisi kiɲ kɛ tɔ hika nti Isɔ caa sɛ tɔ tɛɲ tɔ, ama Yesu Klisti magamaga na kɔnna pɛɛlɛɛ na tampana pɛ tɔm. **18** Tuu tɔ nɔgɔlo ta nata Isɔ, ama i Pɛyaga

ikpamlɛ ŋka ka kɛ Iso na ka wɛ ka Caa Iso kiŋ tɔ, ŋkɛ ka lapɛna na yɛlaa nyɛmɛ-i.

Lom solo Yuhanɛ waaso

19 Waato wei Yusalɛm Yuta nyɛma kosa kotɛlaa na Lefii nyɛma na pa tili-wɛ sɛ pa pulu pa pɔsɛ Yuhanɛ sɛ i kɛ awe tɔ, nti i yɔgɔtaa tɔgɔɔ. 20 I ta kisi cɔɔ, ama i tisaa tɔfuu kɛ pa tɛna pa isɛntaa kɛ sɛ ini i ta kɛ Mesii. 21 Ilɛna pa pɔsɛ-i sɛ, Ilɛ n kɛ awe? Ilii? Na i cɔ sɛ, Ma ta kɛ Ilii. Pa tasa-i sɛ, Nyagalɛ Antɛpu wei tɔ? Na i cɔ sɛ, Aai. 22 Tɛnaga pa tagana-i tɔm sɛ, Ilɛ n kɛ awe? Heeli-to na tɛ pulu tɛ heeli mpa pa tila-to tɔ. Nya magamaga n yaa nya tɛ suwe? 23 Mpogo i tɔma sɛ, Ma, ma kɛ

Nɔgɔɔ wei i yɔgɔtɛgɛna nɔgɔ sɔsɔga kɛ tuule taa sɛ

Pa taganɛ ta Caa kɛ mpaaɔ na ko sigisi teu. Antɛpu Isayi ka yɔgɔtɛna-tɛ.

24 Tillaa mpɛ pa taa ka wɛ Falisanaa, 25 na pɛlɛ pa pɔsɛna-i tɛcululu sɛ, Ye n ta kɛ Mesii, n ta kɛ Ilii, piyele n ta kɛ Antɛpu wei tɔ ilɛ, pepe tɔɔ kɛ n sɔɔ yɛlaa kɛ Iso lom? 26 Yuhanɛ cɔ-wɛ sɛ, Ma ilɛ lom kɛ ma sɔɔ-mɛ, ama nɔgɔɔ wɛ mɛ heko taa wei i ta nyɛ tɔ. 27 Ma waalɛ ilɛ i kɔŋ, na ma ta tala ma hɛsɛ i nɔɔhɛɛ taa ntanƙpala mosogo magamaga.

28 Pɛ tɛnaga mpo pɛ lapa Petanii kɛ Yaatanɛ pɔgɔ waalɛ kɛ timpi Yuhanɛ sɔɔkaga yɛlaa kɛ Iso lom tɔ.

Iso Iwɛɛga Yesu

29 Tɛɔ fema na Yuhanɛ na Yesu na i kɔŋ i kiŋ, ilɛna i tɔ sɛ, Ii naa Iso Iwɛɛga ŋka ka lɛsɛgɛ antulɛnya isagato tɔgɔlɛ? 30 I tɔm kɛ maa heela-mɛ sɛ, Ma waalɛ nɔgɔɔ ka tɛ na i kɔɔ, ama i kɛla-m. Pɛ taga polo, pa lola ma tɔ, ma magana-i kɛ. 31 Ma taa nyɛ sɛ awegele ponto ini, ama ma kɔmaga sɛ ma sɔɔ yɛlaa kɛ Iso lom na lom sɛ pɛ la na Isegele nyɛma nyɛmɛ-i.

32 Yuhanɛ tasa yɔgɔtogo tɔtɔ sɛ, Ma nana ma isɛpile kɛ Iso Feesugu, na ko wɛ isi alukuku na ko tiina iso na ko

caga i tɔɔ. 33 Ma taa nyɔnta-i sɛ i kɛ awe tɔ, ama Iso wei i tila-m sɛ ma sɔ yɔlaa kɛ Iso lom tɔ ini i heelina-m sɛ, N kɔma n na Feesugu tiiwa na ko caga yolo wei i tɔɔ, ponto ini i ka sɔna yɔlaa kɛ Iso lom na Feesugu Nanɲto. 34 Tɔɔ, na ma na mpo tɔgɔ ma yɔgɔtɔgɔ tɛɛicɛi sɛ ini i kɛna Iso Pɔyalo.

Yesu ifalaa kancaalaga nyɔma

35 Ko fema ilena Yuhanɛ we tɔna tɔtɔ, i na i ifalaa taa naale. 36 I kɔma na i na Yesu tɛɛ ilena i tɔ sɛ, li naa Iso Iwɛɛga ntɛ. 37 Yuhanɛ ifalaa naale ini i nɛɛ mpo ilena pa tɔ tɔŋ Yesu waalɛ. 38 Yesu pɛsɛna i waalɛ tɛkpɛo na i na sɛ pa tɔŋɛgɛ-i, ilena i pɔɔsɛ-wɛ sɛ, Pepege i pɛɛkɛgɛ? Ilena pa pɔɔsɛ-i sɛ, Lappi, Lege nya tɔyaga? Ta caa kɛ pa yaa mpo na pa tɛ taa. 39 I cɔ-wɛ sɛ, I kɔɔ na i na. Mpogo pa pulaa na pa nyɛ i tɛ, na i na-wɛ pa la taanaga kɛ tɔna. Na waato ini tɔ ilim hoowaga.

40 Mpa pa naale pa nɛɛ Yuhanɛ tɔm na pa tɔŋ Yesu tɔ pa taa lɛlo ntɛ Simɔŋ Piyɛɛ neu Antɛlɛɛ. 41 Na Antɛlɛɛ ini i sulina i taalo Simɔŋ kɛ kancaalaga na i heeli-i sɛ, Tɛ hika Mesii. Klisti kɛ pa yaa mpo na pa tɛ taa. 42 Ilena i kpaga Simɔŋ na i puna Yesu kiŋ. Mpogo Yesu nyɛna-i tɔpiŋŋ na i tɔmɛ-i sɛ, N kɛ Yuhanɛ pɔyalo Simɔŋ kɛ, ilɛ kagana paa cugusɛ-ŋ sɛ Sefasɛ. Piyɛɛ kɛ pa yaa mpo na pa tɛ taa.

Filipo na Natanayɛɛ pa yaao

43 Tɛo fema ilena Yesu lugu la sɛ i lɔkɛ i tɔgɛ Kalilee. I lɛɛ mpaaɔ ilɛ i na Filipo kɛɛ, na i tɔmɛ-i sɛ, Kɔɔ n tɔŋɛ-m. 44 Filipo ka kɛ Antɛlɛɛ na Piyɛɛ pa icatɛ Pɛtɛ-saita to. 45 Pɛ waalɛ kɛ Filipo na Natanayɛɛ na i heeli-i sɛ, Wei i tɔm Moisi ka ŋmaa kosɛsɛto takɛlaga taa na antepunaa naa yɔgɔtaa tɔtɔ tɔ, tɛ hika-i pɛnɛ. Na inɛgɛlɛ Nasalɛtɛ Yosɛfo pɔyalo Yesu. 46 Tɛnaga Natanayɛɛ nɔgɔ tɛkpao sɛ, Kopanto natɛlɛ tɛ wɛɛ sɛ tii lɛna Nasalɛtɛ? Ilena Filipo cɔ-i sɛ, Kɔɔ na n nana nya isɛlɛ.

47 Yesu na Natanayɛɛ na i kɔŋna i tɔɔ ilena i yɔgɔtɛ sɛ, Isɛgɛlɛ to magamaga ntɛ cɛnɛ, pɔpɔtiya tii fɛi i kiŋ kɛ

paa pəcɔ. 48 Mpogo Natanayɛɛ pɔɔsa-i sɛ, Lege n nyə-mna-m? Yesu cɔ-i sɛ, Ma na-ŋ hiliguu tɛɛ na pəcɔ Filipino yaa-ŋ. 49 Tənaga Natanayɛɛ tɔma sɛ, Ama ta Caa, n kɛ Iso Pəyalo, Isegelə nyəma wulao sɔsɔ kɛ. 50 Yesu cɔ-i sɛ, Isi ma heeluguu-ŋ sɛ ma na-ŋ hiliguu tɛɛ tɔgɔlɛ n mo-tɔgɔ kpakpaa yaa? N ka tɛ na n na mpi pə kɛla tənɛ ini təkpataa tɔ. 51 Na i tɔ sɛ, Tampana kɛ ma heeligi-mɛ yuu, maa cɛsəgə, i ka tɛ na i na isɔtɔnogo tolaa na Iso maleekanaa tənəgə Yolo Pəyaga ma na pa kpaa na pa tiiki.

Kana akpagalɛ

2 1 Koyako tuusu nyənko wule pa kpa pɛɛlɔ kɛ Kalilee Kana taa, na Yesu tuu pulu. 2 Na pa yaa Yesu na i ifalaa tɔtɔgɔ akpagalɛ nɛ tɔ taa. 3 Tənaga lesɛŋ solom ta tala, ilɛna Yesu tuu tɔmɛ-i sɛ, Pənɛntɛ pa solom tɛma. 4 Yesu cɔ-i sɛ, Alo nya, nyaa heeləna-m na pəcɔ ma la na? Ma waato ta tata. 5 Tənaga i tuu heela tɛmlɛ nyəma sɛ, I heela-mɛgɛ nti i la ntɔ.

6 Pɛɛ ŋkpaan naatusu wei i taa Yuta nyəma alowala lom ka wɛɛ tɔ i ka wɛ tɔna, na paa i taa ŋku ko təkɛ isi



liitilinaa nāenaasa yaa nāenowa na hii. 7 Mpogo Yesu tōma-wē sē, I suuli ŋkpaan inēgē lom. Tōnaga pa suulēna i nōōsē tēke tēke. 8 Ilēna i tō-wē sē, Tōo, pānentē i cusi na i puna kotōgōo tallo ilē. Mpogo pa cusaa na pa puna-i. 9 Ilēna tallo tēŋ lom mpi pē pēsa solom kē mpo tō, ama i ta nyē timpi solom mpō pē lēnaa tō. Ilē tēmle nyēma mpa paa cusa lom tō pēle pa nyēma. Mpogo i yaa akpa-galo, 10 na i tōmē-i sē, Solom kopam kē yēlaa tēna caa-lōgēna lēsogo, na pē kōma na pa tēna pa haga ilē, pa tēkēna mpi pē ta tolē tō. Ama nya, nya mēlaa na n tēkēna solom kopam.

11 Piti tēmle kancaalaga nyēntē nte Yesu lapa Kalilee Kana taa tōgōle. Na piti tēmle tēnēgē i holēna i teeli, na i ifalaa tēna-i na pa taa.

12 Pēle pē waalē ilē, i na i tuu na i newaa na i ifalaa pa pula Kapēnahum na pa caga tōnaga wēē naale, ama pa ta taanē.

Pagatēlaa tōgōnogo kē cincili sōsō taa

13 Yuta nyēma Paakē wosaa, ilēna Yesu pulu Yusa-lēm. 14 Mpogo i magana naan na heen na alukukunaa pēetēlaa caga cincili sōsō taa, na ligitee yōkēlaa naa caga pēle pa taapēlēnaa tēē. 15 Tōnaga i kpaga ŋmāēsē na i kuntili-sē na i tōgōnna pa tōnaga cincili sōsō taa, pa na pa heen na pa naan tōtō. Na i ŋmāēsē yōkēlaa ligitee kē atē, na i pēsē pa taapēlēnaa kē alele. 16 Ilēna i hulina alukukunaa pēetēlaa sēsē, I lēsē-wēgē cēnē, i taa pēsē ma Caa tōyaga kē koyako kē mpo. 17 Mpogo i ifalaa tōōsaa sē pa ŋmaawa Isō Tōm taa sē, Hai Isō, ma lugu soo nya tōyaga tēmle kē isi yem na kpētē.

18 Tōnaga Yuta nyēma tēŋa-i tēkpē sē, Piti tēmle ntege n ka la-to na pēcō tē nyē sē pē ha-ŋ mpaaō sē n la isētō ini? 19 Yesu cō-wē sē, I yōkē cincili sōsō inē, na maa taganē-i ŋmao kē koyēēŋ tuusu taa. 20 Mpogo Yuta nyēma tōma-i sē, Pāēsē nāle na naatusu kē pa ŋma cincili sōsō inē, na nyaa ŋmaa-i koyēēŋ tuusu taa?

21 Ama i magamaga i tōgē i yaakaga mpo sē cincili. 22 Pē tōō kē waato wei Yesu kōma na i sē na i fe tō, i

ifalaa tɔɔsaa sɛ i ka yɔgɔta-tɛ, halɛna pa tɛ pa taa na timpi pa ŋmaawa pɛ tɔm kɛ Iso Tɔm taa tɔ, na tɔm nti Yesu ka yɔgɔta tɛ tɔɔ tɔ tɛlɛ tɛ tɔɔ tɔtɔ.

Yesu nyɛma yɛlaa lutu taa howɛɛ

23 Yesu wɛo Yusalem kɛ Paakɛ tɔɔ kɛ mpo tɔ, yɛlaa pagalɛ nawa piti tɛma nna i lakaga tɔ na pa mo-i kpakpaa tɛkpa sɛ inɛgɛ. 24 Ama Yesu na ta tɛ-wɛ na i taa, pɛ taga polo, i nyɛma i yɛlaa tɔm tɔ se. 25 Na pɛ fɛi sɛ nɔgɔlo i sɛgɛsɛ-i pa tɔm na pɛcɔ, i magamaga i nyɛma mpi pɛ wɛ yolo taa tɔ.

Yesu na Nikutɛm pa faaci

3 1 Apalo nɔgɔlo i ka wenna Falisanaa taa na pa yaa-i sɛ Nikutɛm. I kɛ Yuta nyogo nyɛma taa lɛlo. 2 Mpogo i pula Yesu kiŋ kɛ ahuu naalɛ na i yɔgɔtɛ-i sɛ, Ta Caa, tɛ nyɛma sɛ Iso kɔnna-ŋ sɛ n sɛgɛsɛ-to, pɛ taga polo, nɔgɔlo fɛi wei i pɛsɛgɛ na i la piti tɛma isi n lakogo tɔ na pɛ ta kɛna Iso tuŋ. 3 Yesu cɔ-i sɛ, Tampana kɛ ma heeligi-ŋ yuu, maa cɛsɛgɛ, ye pɛ ta lɛlɛ yolo kɛ lologo i kaa na Iso Kawulaga. 4 Tɛnaga Nikutɛm pɔɔsa-i sɛ, Isɛnagalɛ pii taganɛ yolo kɛ lologo na i tɛma sɔsɔ kɛ lapo? Anɛ i kaa pɛsɛ na i lɛlɛ i tuu lutu taa kɛ sooo na pɛ taganɛ-i lologo? 5 Yesu cɔ-i sɛ, Tampana kɛ ma heeligi-ŋ yuu, maa cɛsɛgɛ, ye pɛ ta lolɛ-ŋ na lom na Feesugu, n kaa soo Iso Kawulaga. 6 Yolo kɛ yolo lolɛgɛ, ama Iso Feesugu lologo wɛna pɛ mpaa, na pɛlɛ pɛ wɛ yolo taa tɔm kɛ. 7 Taa la piti kɛ nti ma heela-ŋ sɛ pɛ wɛ isi mɛ tɛna pii lɛlɛ-mɛgɛ lologo tɔ tɛ tɔɔ. 8 Nyɛnɛ heelim makɛ timpi pɛ lugu wɛɛ tɔgɔ, na n nɛakɛ pɛ taŋ, piyele n ta nyɛ pɛ tɛlɛlɛ yaa pɛ tɛputɛ. Wei Iso Feesugu lolaa tɔ i wɛ mpo tɔtɔ. 9 Mpogo Nikutɛm tɛma sɛ, Isɛnagalɛ mpo? 10 Yesu cɔ-i sɛ, Halɛ mɛgɛlɛ Isɛgɛlɛ sɛgɛsɛlaa sɔsaa na n ta cɛkɛna tɔm tɛnɛ? 11 Tampana kɛ ma heeligi-ŋ yuu, maa cɛsɛgɛ, tɛ nyɛma nti tɛ yɔgɔtɛgɛ tɔ, na nti tɛ nawa tɛ ntɛgɛ tɛ kɛsɛgɛ-mɛ. Pɛ na pɛ mpo tɔ mii caa ta tɔm mogo. 12 Isɛna pɛ tɔŋa lapo kɛ atɛ cɛnɛ tɔgɛlɛ ma

heeligi-me na ii sanj mogo. Ile ye ma keesa-mege isona pe we isotaa to, me taa awegele molo? 13 Nngolo ta kpata isotaa ye pe taga Yolo Poyaga ma wei ma ma lona isotaa na ma tii to ma paasi.

14 Isi Moisi ka togo nyogologo koseemogo tom ke tesika nyogo taa na i siki tuule taa to, mpo ini totogo pe we se paa kpaase Yolo Poyaga ma, 15 peco yelaa mpa pa tona paa mo ma tom to pa hiki weesugu nku kii ken to. 16 Pe taga polo, Iso soola yelaa tenaga sosom, halona i can i ha i Poyaga ikpamle, se pa tona mpa paa ten ka tom to, pa taa se, ama pa hiki weesugu nku kii ten to. 17 Pe taga isi yelaa tom kogo too ke Iso tila i Poyaga, ama pa nyogo yapo too ke.

18 Paa kogwe i tena ka tom to ponto tom. Ama wei ii tenegwe ka tom to, ponto tom tema sepo, i ta ten Iso Poyaga ikpamle tom to pe too. 19 Pa tom sepa timpi togole se fetela wei i naake to i koma antulanya taa, na yelaa soole sekpetogo na pa kisi-i pa lakase isagase too. 20 Ye wei i lake isagato i taa kpaakona fetela inegwe, na ii kpetogena-i se pe taa koo na i la na pe na i isagato too. 21 Ama wei i tenegwe tampana to i kpetogena fetela inegwe se i la na pe na tecaicai se Iso naenao too ke i lake mpo.

Yesu na Yuhanē pa tom

22 Pale pe waale ile Yesu na i ifalaa pa kola tona na pa pulu Yuta teto taa, na i na-we pa caga tenaga we se naale, na i soke yelaa ke Iso lom. 23 Yuhanē na sookaga yelaa ke Iso lom totogo Ainoj ke Salim kin. Lom ka we tenaga sosom ke. Yelaanaa konaga i kin na i soke-wege Iso lom. 24 Waato ini to pa ta teketa Yuhanē ke salaka.

25 Mpogo Yuhanē ifalaa taa lelala na Yuta to nngolo pa soo hom ke Iso seeso kotase nsi yolo taganogena i to to se too. 26 Mpogo pa pula Yuhanē kin na pa pasese-i se, Ta caa, n toosa yolo wei i tom n ka heela-to na nya na-i i ka we Yaatanē waale to i too? Nyone penente ini i sokena ntege yelaa ke Iso lom, na pa tona pa puki i kin. 27 Ilena Yuhanē ce-we se, Yolo ii hikigi pologo yem na Iso ta ha-i-we. 28 Me magamaga i pesoge na i lese ma aseeta


sə ma yɔgɔtaa sə ma ta ke Mesii, ama ma tɛɛ i nɔgɔ ke kotɛɛ. 29 Akpagalo tɛnna asasaalo, ama akpagalo taapalo sɛnɔ tɛna na i kema ŋkpaŋŋ. Pɛ kɔma na i nɛɛ akpagalo nɔgɔ, ilɛ i lanlɛ holɛmɛ sɔsɔm. Mpo ini tɔtɔgɔ ma lanlɛ holɛmaa, na pɛnɛntɛ pɛ maga-m teu. 30 Pɛ wɛɛ sɛ ilɛ i pɛɛkɛna na maa sɛkɛ.

Wei i kɔmna isɔtaa tɔ i tɔm

31 Wei i lɛna isɔtaa tɔ ini i kɛlɛna pɛ tɛna. Na wei ilɛ i wɛ atɛ cɛnɛ tɔ, i ke atɛ nyɛŋ ke, na atɛ nyɛnto ke i yɔgɔtɔgɛ. Ama wei i lɛna isɔtaa tɔ ini i kɛlɛna pɛ tɛna. 32 Na i yɔgɔtɔgɛ mpi i nawa na i nɛɛ tɔ pɛ tɔm, ama nɔgɔlo ii mogɛ i tɔm. 33 Ilɛ wei i tii mo i tɔm, ponto tisɛna ntɛ sɛ Isɔ yɔgɔtɔgɛ tampana. 34 Wei Isɔ tilaa tɔ ponto yɔgɔtɔgɛ Isɔ tɔm ke, pɛ taga polo, Isɔ cɛlɛgɛ-i i Feesugu tɛnaga. 35 Ta Caa Isɔ sɔɔla i Pɛyaga na i to pɛ tɛnaga ka niŋ taa. 36 Ye wei i nɛna Pɛyaga i tɛma weesugu ŋku kii tɛŋ tɔgɔ hikugu. Ama wei i kisa Isɔ Pɛyaga ke nɛnao tɔ i lanɔaa ke, na Isɔ mona-i na paana ke tam ke mpogo.

Yesu na Samalii alo pa Faaci

4 1 Falisanaa nɛɛwa sɛ Yesu hikigi tɛŋlaa na i sɔkɛ-wɛgɛ Isɔ lom na pɛ kɛlɛgɛ Yuhanɛ, 2 pɛcɔ pɛ taga Yesu magamaga sɔkagana-wɛgɛ lom, ama i ifalaa ke.



3 Yesu kōma na i nēə sē Falisanaa nēə mpo, ilēna i kolē Yuta tēto taa na i mēna Kalilee tēto taa. 4 Na pē wēē sē Samalii nyēnko kē i tēn.

5 Mpogo i wosēna Samalii icatē natələ nte pa yaa sē Sikaa tō, na tē kpētēna tēto nti Yakōpo ka ha i pēyaga Yosēfo tō. 6 Na Yakōpo lōkō ka wē tēna. Tētē nēə Yesu ilēna i caga lōkō nōgō, na waato ini ilim sikaa.

7 Mpogo Samalii alo nōgolo kōma lom lugu, na Yesu sēləmē-i sē, Ha-m lom na ma nyōō. 8 Na waato ini i ifalaa ka tēma tēēo kē icatē taa kē kotōgōo yapo. 9 Samalii alo cō-i sē, Pepe tōō kē nyaga Yuta to na n sēləmēgē-m lom sē n nyōō, pēcō maga Samalii to? Pē taga polo tōō kē alo ini i yōgōta mpo, Yuta nyēma na Samalii nyēma paa suligi. 10 Mpogo Yesu cō-i sē, Hai, ye n ka cēkēna mpi Isō haakē tō, na n ka nyēma wei ma ma sēləmēgē-ŋ lom konyōnyōōm kē isētō tō, nya magamaga n ka laalēna-m sēləmogo na maa ha-ŋ weesugu lom. 11 Alo cō-i sē, Ma cē, n fēina kolulunao ŋku n ka luna tō, pēcō lōkō na tii lumaa. Ilē lege n ka hiki weesugu lom mpē? 12 Ta lōncē Yakōpo hulēna lōkō inē na taa magana-i, halē i na i piya na i kalēkēn pa nyōō i lom. Ilē n hoo sē n kēla ilē? 13 Yesu cō-i sē, Wei i nyōō lōkō inē i lom lōkōto tasēgē-i kpao kē. 14 Ama wei i nyōō lom mpi maa ha-i tō, lōkōto ii lēlōgē-i kpao paa pilee. Pē taga polo, lom mpi maa ha-i tō pii la i taa kē lom sēēlo wei i cētōgē tō, halēna i hiki weesugu ŋku kii tēn tō na i kiŋ. 15 Alo cō-i sē, Ma cē ha-m lom mpē, pēcō lōkōto i taa tasa-m kpao, na ma taa tasa cēnēgē mēlogo kē lugu.

16 Mpogo Yesu tōma-i sē, Pulu n yaa nya paalo na nya na-i i kōō cēnē. 17 Mpogo alo cōwa sē, Ma fēina apalo. Yesu cō-i sē, Tampana kē n yōgōtaa sē n fēina apalo. 18 Pē taga polo, n tēma apalaa kakpasē kē saao, na wei i tē n tii wē kagana isētō tō n wē yem, pē taga nya paalo. Pē tōō kē nya tōm wēna tampana. 19 Alo cō-i sē, Ta Caa, ma naa sē n kē antepu. 20 Ta lōncēnaa sēēkaga Isō kē pogo konē ko tōō, ama Yuta nyēma mē mē tōn sē ye paa sēē Isō Yusalem kē. 21 Yesu cō-i sē, Alo nya nēə ma tōm,

pii kɔɔ tɔ, ta Caa Iso sɛɛo kaa wɛɛ tɛntɛmlɛ tɔm, sɛ pogo konɛ ko tɔɔ yaa Yusalem. 22 Samalii nyɔma mɛ i ta nyɔ wei i sɛɛkɛ tɔ, ama Yuta nyɔma ta ta nyɔma wei ta sɛɛkɛ tɔ. Pɛ taga polo, Yuta nyɔma kiŋ kɛ Iso sɛɛo mpi pɛ waasɛgɛ tɔ pɛ wɛɛ. 23 Ama pɛ wɛɛ pii kɔɔ, halɛ pɛ tii tɛma kɔntɛ te, na mpa pa sɛɛkɛ Iso na tampana tɔ paa sɛɛ-i hatuu pa taa kɛ na cɛsogo fɛi. Isɔsɛɛlaa isi mpo wɛgɛ Caa Iso sɔɔlaa. 24 Iso ii naa isɛntɔɔ, pɛ tɔɔ kɛ mpa pa sɛɛ-i tɔ, pɛ taga isɛntɔɔ kɛ paa sɛɛ, ama pa taanaa kɛ na cɛsogo fɛi.

25 Alo cɔ-i sɛ, Ma nyɔma sɛ Mesii wei pa yaa sɛ Klisti tɔ i ka kɔɔ te, Na ye ilɛ i kɔma, i ka kilisi-togo pɛ tɛna. 26 Yesu cɔ-i sɛ, Ma wei ma yɔgɔtɛgɛna-ŋ isɛntɔ tɔ, magalɛ Mesii ini.

27 Pa tɔŋna yɔgɔtaga kɛ mpogo ilɛna i ifalaa tɛ talo, na pɛ la-wɛgɛ piti kɛ mpi pɛ tɔɔ i na alo taka pa yɔgɔtɛgɛ tɔ. Paa na mpo pa taa nɔgolo ta pɔɔsɛ sɛ, Pepege n caa i kiŋ? yaa sɛ, Ntigi nya yɔgɔtɛgɛna-i?

28 Tɛnaga alo mɛŋna i hɛyaga na i sɛɛ, ilɛna i mɛlɛ icatɛ taa na i yaa yɛlaa sɛ, 29 I kɔɔ na i na apalo nɔgolo wei i kpaga pɛ tɛna mpi tuu ma lapa tɔ na i kɛɛsɛ. I ta kɛ Mesii yee? 30 Mpogo pa lɛɛ icatɛ taa na pa puki Yesu kiŋ.

31 Alo ini i tɛɛ mpo tɔ, na i ifalaa naa tɔŋna-i tɛɛkogo kɛ sɛ, Ta Caa n kaa tɔgɔ mpo? 32 Ama i cɔ-wɛ sɛ, Tɔgɔnaga ŋka ma tɔkɛ tɔ i ta nyɔ-kɛ. 33 Mpogo i ifalaa pɔɔsa tɛma sɛ, Nɔgolo kɔna-i tɔgɔnaga kɛ yee?

34 Tɛnaga Yesu cɔ-wɛ sɛ, Ma tɔgɔnaga nte wei i tila-m tɔ i lugu nyɛnto lapo, na i tɛmlɛ nte i hola-m sɛ ma la tɔ tɛ yuusugu.

35 Mɛ mɛ tɔŋ sɛ pɛ kaasa isɔtonaa ligiti na komto tala. Ama ma, ma heeligi-mɛ sɛ, i kosɛ mɛ isɛ na i na isɛna kotɔgɔ sɛɛna tawa na ko taŋa kontaa tɔ. 36 Konto wei i konɛ tɔ, i tɔŋna i kofɛlogo hikugu kɛ, na i nyɛkɛgɛ pee tɔtɔgɔ i weesugu ŋku kii tɛŋ tɔ ko tɔɔ. Mpo pɛ lakɛna na tuulu na konto pa kpɛntɛgɛ yɔɔlogo. 37 Pɛ tɔɔ kɛ tɔm nti pa yɔgɔtɛgɛ tɔ tɛ wɛna tampana sɛ, Lɛlo tuuki kɛ na lɛlo naa

ko. 38 Mpo tɔtɔgɔ na ma, ma tila-mɛ sɛ i ko halɛm mpi i taa hala tɔ, lɛlaa na halaa na kagana pɛ waasɛgɛ-mɛ.

39 Icatɛ ntɛ tɔ taa Samalii nyɛma pagalɛ mo Yesu tɔm kɛ tɔm nti alo ka yɔgɔtaa tɔfuu sɛ, I kpaga pɛ tɛna mpi tuu ma lapa tɔ na i kɛɛsɛ tɔ tɔ tɔ. 40 Na waato wei Samalii nyɛma tala Yesu kiŋ na pa na-i tɔ, pa wiina-i sɛ i la wɛɛ naalɛgɛ pa kiŋ. Ilɛna i caga tɛnaga koyɛɛŋ naalɛ.

41 Pɛ kɔma na pa nɛɛ i magamaga i koyɔgɔtɔto, ilɛna yɛlaa samaa kɛ sɔsɔm tasa i tɔm kɛ mogo. 42 Na pa tɔŋ alo sɛ, Pɛnɛntɛ pɛ taga nti n heela-to tɔ tɔ tɔ tike kɛ tɔ mo i tɔm, ama ta magamaga tɔ nɛɛna ta ŋkpaŋŋ na tɔ tɛma ta taa sɛ, tampana i kɛ antulɛnya Waasolo.

Yesu waao kɛ akewe sɔsɔ pɛyaga

43 Yesu lapa koyɛɛŋ naalɛgɛ tɛna, ilɛna i kolɔ na i tɛɛna Kalilee. 44 Yesu magamaga ka tɛma yɔgɔtogo sɛ, Nɔgɔlo ii togona antepu kɛ i magamaga i icatɛ taa. 45 Waato wei i tala Kalilee tɔ, tɛna nyɛma mo-i teu kɛ niŋ naalɛ, mpi tɔ pa magamaga paa pula Paakɛ tɔgɔo kɛ Yusalɛm, na pa nawa pɛ tɛna mpi i lapa Paakɛ ini i tɔ tɔ.

46 Mpogo i mɛla Kalilee Kana timpi i ka pɛsa lom kɛ lɛsɛŋ solom tɔ. Akewe sɔsɔ nɔgɔlo i ka wɛ tɛna, na i pɛyaga wɛ Kapɛnahum na pɛ wɛkɛ-kɛ. 47 I nɛɛwa sɛ Yesu lɛna Yuta na i kɔɔ Kalilee, ilɛna i pulu na i sɛlɛmɛ-i sɛ i pɛyaga wɛ Kapɛnahum na ka caa sɛpo, i pulu i waasɛ-kɛ. 48 Yesu cɔ-i sɛ, Anɛ tamm mii ta na piti tɛma na kɔkɔlɔ nyɛm, ii tisigi. 49 Akewe ini i cɔ-i sɛ, Hai ma cɛ, tɔ tɛɛ pɛcɔ ma pɛyaga i taa kɔɔ na ka sɛ. 50 Yesu cɔ-i sɛ, Kpɛ, nya pɛyaga kaa sɛ. Mpogo apalo ini i mo Yesu koyɔgɔtoto na i to mpaaɔ. 51 I kpɛnaga, ilɛna i tɛmlɛ nyɛma sɛŋɛ-i na pa heeli-i sɛ, Nya pɛyaga hika alaafiya. 52 Mpogo i pɔɔsa-wɛgɛ isɛna waatɛ pɛ cɛpa ka tɔ tɔ. Pa cɔ-i sɛ, Tete ilim kpila pɛcɔ tɔgɔ wato cɛpa ka tɔ. 53 Mpogo ka caa tɔɔsa kpakpaa sɛ, tete mpo ini pɛ taka teitei kɛ Yesu ka heela-i sɛ, Nya pɛyaga kaa sɛ. Ilɛna i na i tɛyaga tɛna pa tɛ Yesu na pa taa. 54 Yesu piti tɛma kpɛnta naalɛgɛlɛ i lɛɔo Yuta na i kɔɔ Kalilee tɔ.

Kotonto waao ke læle nɔgɔ

5 1 Pələ pə waalə Yuta nyəma Iso sɛɛo acima naalə a talaa, na Yesu pulu Yusalem. 2 Læle natələ tɛ wɛ heeŋ nɔnɔgɔ cɔlɔgɔ Yusalem, na laŋasə kakpasə sɛŋa tɛna. Na tɛnɛ inɛgə pa yaa sɛ Petasata ke Hepəla nyəma tɔm taa. 3 Na kotontonaa sɛlɛta laŋasə nsə sɛ tɛɛ ke sɔsɔm, yolomaa na kaakalasə, na mpa kotɔmɛŋ toolaa tɔ. Pa taŋa lom laŋtogo. 4 Pə taga polo, malɛɛka tiikaga waato waato ke læle taa, na i lakə na lom laŋtɔgə. Na wei i laala tiu ke waato wei lom laŋtɔgə kpakpaa tɔ pə waa-i, paa i kotɔŋ ke ŋku. 5 Apalo nɔgɔlo i ka wɛ tɛna na i hɛnta kotɔŋ tɔ pəəsə pilefɛi nɛələ kɔlɔ. 6 Yesu na-i na i hɛnta mpo, na i nyəma sɛ i taŋa tɛnaga sɔsɔm, ilɛna i pɔɔsə-i sɛ, N caa pə waa-ŋ ke? 7 Kotonto cɔ-i sɛ, Ma cɛ, ma fɛina nɔgɔlo sɛ i tisi-m lom taa ke waato wei pə laŋtɔgə tɔ. Na ma pulaa sɛ ma tiiki, nɔgɔlo naa laalə-m. 8 Yesu heela-i sɛ, Kolə na n kpaga nya kohɛntogo na n tɔ. 9 Tɛnaga pə waa-i kpakpaa, na i kelə i kohɛntogo na i tɔŋ.

Pə pamna koyako kohɛɛsogo wule. 10 Mpogo Yuta nyəma tɔma wei pə waa mpo tɔ sɛ, Saŋa koyako kohɛɛsogo ke, pə fɛi sɛ n sɛgələ nya kohɛntogo ke mpo. 11 Ama ilɛ i cɔ-wɛ sɛ, Wei i waasa-m tɔ ini i heeləna-m sɛ ma kelə ma kohɛntogo na ma tɔ. 12 Mpogo pa cɔ-i sɛ, Awege ponto na i heela-ŋ sɛ n kelə nya kohɛntogo na n tɔ? 13 Ama wei pə waawa tɔ i ta nyə Yesu, pə taga polo, ilɛ i ka saala samaa wei i suwa tɛna tɔ i taa.

14 Pələ pə waalə Yesu na apalo inɛgə cincili sɔsɔ taa na i heeli-i sɛ, Nyənə pənɛntɛ pə waa-ŋ isɛntɔ tɔ, taa tasa isagato lapo tɔtɔ, pɛcɔ pə taa kɔɔ na ŋku kolɛ ko kɛla mpo tɔ ko magana-ŋ. 15 Tɛnaga apalo ini i pulaa na i heeli Yuta nyəma sɛ, Yesu waasəna-i. 16 Pə tɔɔ ke Yuta nyəma soo Yesu ke konyɔŋ togo ke i lapo mpogo koyako kohɛɛsogo wule tɔ pə tɔɔ.

17 Mpo pə yelina na Yesu yɔgɔtə sɛ, Ma Caa na tɔŋa tɛmlɛ lapo ke tam ke, pə tɔɔ ke ma tɔtɔ pə fɛi sɛ maa yele lapo.

18 Tɔm tɛnɛ tɛ magamaga tɛ tɔɔ Yuta nyəma mo

səgɔna kɛ teu sə pa ləsəgə i weesugu. Sə pə taga koyako kohɛsogo tike kɛ i wakələa, ama na sə i kɛsogo i tə na Iso na i yaa-i i magamaga i Caa tɔ pə tɔɔ tɔtɔ.

Iso Pəyaga pəsogo kɛ yələa tɔɔ

19 Mpogo Yesu tɔma-wɛ sə, Tampana kɛ ma heeligi-mɛ yuu, maa cəsəgə, Pəyaga ma ma kaa lu natələ na ma la, ama nti ma Caa tɔŋa lapo na ma naakə tɔ ntəgə ma tənəgə. Na ma Caa lakə pə tənə mpi tɔ, Pəyaga ma ma lakə mpo tɔtɔ. 20 Pə taga polo, ma Caa sɔɔla-m kɛ, na i holə-m pə tənə mpi i lakə tɔ. Na i ka holə-m tɔma sɔsɔɔna nna a kələ anɛ tɔ sə ma la, na pii la-mɛgɛ ha. 21 Na isi ma Caa feesigi sətəa na i mənna-wɛgɛ weesugu nyəma hekɔ tɔ, mpo ini tɔtɔgɔ Pəyaga ma ma togə weesugu kɛ mpa ma nɔkaa tɔ. 22 Tələ tɔ paasi ma Caa ii hookəna nɔgɔlo, ama i to hoolɛ tənaga Pəyaga ma ma niŋ taa, 23 pəɔɔ pa tənə pa se-m isi pa seekugu ma Caa tɔ. Yolo i ta se Pəyaga ma, i kaa pəsə na i se ma Caa wei i tila-m tɔ.

24 Tampana kɛ ma heeligi-mɛ yuu, maa cəsəgə, ye wei i nəə ma tɔm na i tɛ i taa na wei i tila-m tɔ, i tɔma weesugu ŋku kii tɛŋ tɔgɔ hikugu, na pa kaa hoona-i. Pə taga polo, i ta kɛ sətɔ tɔtɔ, ama i tɔma weesugu tɔ kɛ pəsogo kɛ. 25 Tampana kɛ ma heeligi-mɛ yuu maa cəsəgə, pə wɛɛ pii kɔɔ, na pə tii tɔma kɔntɛ te, na sətəa ka nəə Iso Pəyaga ma ma nɔgɔ, na mpa paa nəə-kɛ tɔ, paa fe na pa koləna pa isɛ. 26 Isi Caa Iso pəsəgə na i ha weesugu tɔ, mpo tɔtɔgɔ i yələa sə Pəyaga ma ma pəsə ma ha weesugu. 27 Na ma kɛ Yolo Pəyaga tɔgɔ i ha-m mpaaɔ sə ma hoona yələa kɛ tɔm. 28 Ile pə taa la-mɛgɛ ha, mpi tɔ pii kɔɔ na pa tənə mpa pa wɛ pələaŋ taa tɔ pa nəə ma nɔgɔ, 29 na pa ləə i taa. Na mpa pa lapa kopanto tɔ paa fe sə pa wɛɛ tam tɔɔ, na mpa pɛlɛ pa lapa isagato tɔ, paa fe sə pa hoona-wɛ na pa tɔ-wɛgɛ saləka.

Mpi pə holəgə Yesu tampana tɔ

30 Maa pəsəgə na ma lu tələgə ma magamaga. Ama

isi Iso keesəgə-m tɔ, mpogo ma hookəna, na ma hoole tewa. Mpi tɔ, pə taga ma magamaga ma lugu nyənto ke ma pɛkəgə lapo, ama wei i tila-m tɔ i lugu nyənto ke. 31 Ye ma yəgətəgə ma tɔ tɔm, nɔgolo kaa sa tampana wena maa holə tɔ. 32 Ama nɔgolo wenna na ile i holəgə sə ma ke tampana to. Na ma nyəma sə nti i yəgətəgə ma tɔ tɔ tɔ wɛ tampana. 33 Halə mə magamaga i tila mə tillaa ke Yuhanə kiŋ na ile i hola-məgɛ tampana. 34 Ye ma, pə taga isi ma nyələaa sə yolo nɔgolo i holə ma tampana, ama sə pə sənə-mɛ na pə ya mə nyogo tɔ ke ma yəgətəgə mpo. 35 Yuhanə naa wɛ ke isi fətəla wei i mogə na pə naakə tɔ, na i tisaa na i yɔləna fətəla ini i nao ke pɛɔ. 36 Ama ma wena mpi pə holəgə ma tampana na pə kələ tɔ tənə nti Yuhanə yəgəta ma tɔ tɔ. Təma nna ini ma Caa hola-m sə ma la na ma tɔŋna a lapo ke isəntɔ tɔ, anə ini a holəgəna ma tampana sə ma Caa tilina-m. 37 Ma Caa wei i tila-m tɔ i holəgə ma tampana tɔtɔ. Mɛ i ta nəə i nɔgɔ ke paa tɔm kolom, pɛɔ i ta luusi i isəntaa ke paa tɔm kolom tɔtɔ. 38 Piyele ii saŋ i tɔm mogo sə tɔ caga mə taa ke paa pɛɔ. Ile ii tɛŋ mə taa na wei i tilaa tɔ, pə tɔ ke pə wɛ mpo. 39 I pɛkəgə Iso Tɔm takələsə taa tɔcututu, na i tɛləgə sə pə taa ke i ka hikina weesugu ŋku kii tɛŋ tɔ. Anə ta takələsə kolomasə nsə sə yəgətəgəna ma tɔm. 40 Pə na pə mpo tɔ, ii saŋ sə i kɔɔ ma kiŋ na i hiki weesugu kopəŋko.

41 Pə taga yələa isantɛ ke ma pɛkəgə. 42 Ama ma nyəma-mɛ, ma nyəma sə ii caa Iso. 43 Ma Caa kɔntɛ ke ma kɔma na mii saŋ ma mogo. Ama ye nɔgolo na ləə yem na i kɔɔ, i mo ile təkpa. 44 Mɛ mə sɔla mə təma isantɛ ke, na ii pɛkəgə Iso wei i tike ntɛ Iso tɔ i nyəntɛ. Ile isənaga i ka la na i mo ma tɔm. 45 I taa hoo sə maa pulu ma kuli mə waalə ke Iso isəntaa. Ama Moisi wei i tɛləgə tɔ ini i ka kulina mə waalə. 46 Ye i ka mo Moisi tɔm na tampam, isəntɔ tɔ i ka mo ma nyənto tɔtɔ, pə taga polo ma tɔm ke ile i ŋmaawa. 47 I ta tisi na i mo nti ile i ŋmaawa tɔ, ile isənaga i ka tisi na i tona ma tɔm nti ma heeligi-mɛ tɔ.

Samaa iyisi kakpasə caləsogo

6 1 Pələ pə waalə ke Yesu tagana Kalilee tenku waalə ke tēsogo. Lələa yaa sə Tipeliyatə tenku. 2 Na yələa samaa nōgolo i hu i waalə, pə taga polo tō, pa na piti tēma nna i waakagana kōtōntonaa tō. 3 Mpogo Yesu na i ifalaa pa kpa pogo tō na pa caga tēna. 4 Na Yuta nyəma cīnkaalə wei pa yaa sə Paakə tō i wosaa. 5 Mpogo Yesu nyəna i taa na i waalə na i na sə samaa sōsō tōhna i kin ke kōntē. Tənaga i pōosa Filipino sə, Lege tii ya kotōgō na tē cēla samaa inē ini na i tēna i tōgō? 6 I yōgōta mpo sə i nē nti Filipino ka cō tō. Tōfō i magamaga i tēma isəna i ka la tōgō nyəm. 7 Ilēna Filipino naa cō-i sə, Paa kutukun nēlennanowa magamaga ke tē yapa kotōgō, kii haḥna yələa panē pa tiili? 8 Ilēna i ifalaa taa nōgolo wei pa yaa sə Antələə na i ke Simōḥ Piyēē neu tō i cō-i sə, 9 Iwaa-sələ natələ tē wē cənē na tē tōka anmala kakaləsə ke kakpasə na tiina ke naalē. Ama pələ pii la-wege samaa tuutuuma inē? 10 Tənaga Yesu tēma sə, i heeli pa tēna sə pa caga atē. Pə pamna nyəto ka pō atēge tənaga



sɔsɔm, ilena pa caga. Na pa taa apalaa nyɔɔŋ tala isi iyisi kakpasə. 11 Tənaga Yesu kpaga kakaləsə nsə na i sɛɛ Iso ke i na tɛmlɛ ke sɛ tɔɔ, ilena i tala mpa pa cagaa tɔ, Na i tala-wɛgɛ tiina ke mpo tɔtɔ, na paa wei i haga. 12 Waato wei pa haggaa tɔ, i tɔma i ifalaa sɛ, I tɔɔsɛ kakaləsə hɔgɔlɔŋ wei i kaasaa tɔ, pɛɔɔ polopo i taa le. 13 Ilena pɛlɛ pa tɔɔsɛ hɔgɔlɔŋ ini, na pɛ su tɔkɔŋ naanowa na naalɛ. Anmala kakaləsə kakpasə ini i kpisina mpogo waato wei pa tɛma tɔgɔɔ tɔ.

14 Waato wei yɛlaa na Yesu piti tɛmlɛ ntɛ tɔ, pa tɔma sɛ, Tampana Yolo inɛ inɛgɛlɛ Antepu wei i tɔm paa yɔgɔtaa sɛ i ka kɔɔ antulɔnya taa tɔ. 15 Yesu nyɛma sɛ pa sɔɔlo pɛəwa sɛ paa kpa-i wulao na tun ke tɛnɛ inɛgɛ kpakpaa, ilena i ŋmɛlɛ tɛkɛo na i kpa pɔɔŋ taa ke i tike.

Yesu tɛntɛ ke lom tɔɔ

16 Pɛ kɔma na pɛ taanɛ ilena i ifalaa tii lom nɔgɔ, 17 na pa kpa kpɛɔlogo taa sɛ pa tɛsɛgɛ Kapɔnahum. Halɛ pɛ caŋ pɛ yu Yesu ta kɔnta pa kiŋ. 18 Mpogo heelim sɔsɔm mapa na pɛ lanɔgɛ tɛŋku lom ke sɔsɔm. 19 Pa tɔma lom taa isi kilumɛtɛnaa kakpasə yaa naatusu ilɛ pa na Yesu keɛ na i tɔŋ lom tɔɔ na i kɔŋna pa tɔɔ tɔɔ. Tənaga sɔgɔnto kpa-wɛ. 20 Ama Yesu heela-wɛ sɛ, Sɔgɔnto i taa la-mɛ, maga. 21 Pa lugu lapa na pa kpaga-i kpɛɔlogo taa. Tete isi saŋa tɔ, pa tɛma tate ke timpi pa pukaga tɔ.

Samaa pɛɛkogo ke Yesu

22 Ko fema ilena samaa wei pɛ yela tɛŋku waalɛ tɔ, i na sɛ kpɛɔlogo kolomogo ka kaasɛna tɛna. Pɛɔɔ pa nyɛma sɛ Yesu na i ifalaa pa ta kaa kpɛɔlogo, ama pɛlɛ pa tike pa tɛɛna. 23 Paa na mpo kpɛɔlɔŋ lɛlɔŋ wei i lɛna Tipeliyatɛ tɔ i kɔma, na i ta hatɛlɛna timpi ta Sɔsɔ ka sɛɛ Iso ke i na tɛmlɛ na pɛɔɔ pa tɔgɔ kakaləsə nsə tɔ. 24 Samaa ini i nawa sɛ Yesu na i ifalaa pa taa nɔgɔlo fɛi tɛna, ilena pa kpa kpɛɔlɔŋ ini i taa na pa tɛɛ Kapɔnahum ke Yesu pɛɛkogo.

Kotogoo ņku ko haakə weesugu tɔ

25 Pa koma na pa na-i tenku waalə ilena pa pɔɔsə-i sə, Ta Caa, pilee ke n koma cənɛ? 26 Tənaga Yesu cɔ-wɛ sə, Tampana ke ma heeligi-mɛ yuu, maa cɛsəgə, pə taga isi i na ma piti tɛma togɔ i pɛɛkəgə-m, ama i togɔ kakaləsə na i haga togɔ. 27 I taa nəkə na i kana kotogoo ņku ko ten togɔ pɛɛkogo, ama i lo ņku ko wɛ tam na ko kɔŋna weesugu ņku kii ten tɔ ko tɔɔ. Yolo Pəyaga ma maa hana-mɛgɛ kotogoo ņko, pə taga polo ta Caa Isɔ tɛma-m i tun cacaalaga togo. 28 Mpogo pa pɔɔsa-i sə, Pepege tii la na pɛɔ tɔ la tɛma nna Isɔ caakə tɔ? 29 Ilena Yesu cɔ-wɛ sə, Tɛmlɛ nte Isɔ caa sə i lapə-i togolɛ sə i mo i tillu tɔm. 30 Mpogo pa pɔɔsa-i tɔtɔ sə, Ile n kaa la piti tɛmlɛ natəlɔ na tɔ na na pɛɔ tɔ mo nya tɔm? Tɔɔ, tɛmlɛ ntege n ka la? 31 Ta caanaa caanaa togɔna manna ke tuule taa, isi pa ņmaao Isɔ Tɔm taa tɔ sə, I tisa isɔtaa kotogoo na i cɛla-wɛ na pa togɔ. 32 Yesu cɔ-wɛ sə, Tampana ke ma heeligi-mɛ yuu, maa cɛsəgə, mpi Moisi cɛla-mɛ tɔ pə ta ke isɔtaa kotogoo ke tɛna. Ama pənente isɔtaa kotogoo magamaga ke ma Caa cɛləgə-mɛ. 33 Na kotogoo ņku Isɔ cɛləgə-mɛ togolɛ ņku ko ləna isɔtaa na ko tii na ko haakə yəlaa tənaga weesugu tɔ. 34 Tənaga pa cɔ-i sə, Ta Caa, haakə-togo kotogoo ņkogo tam. 35 Ilena Yesu cɔ-wɛ sə, Ma magamaga kɛlɛ kotogoo ņku ko haakə weesugu tɔ. Ye wei i koma ma kiŋ nyɔgɔsə kaa kpa ponto paa pɛɔ. Piyele wei i mo ma tɔm tɔ, ləkɔto kaa kpa ponto tɔtɔ.

36 Ama ma tɛma-mɛgɛ-təgə heelugu sə i na-m, pɛɔ i ta mo ma tɔm. 37 Pa tɛna mpa ma Caa haa-m tɔ, pa kɔŋ ma kiŋ ke, na ma kaa togɔnə wei i kɔŋ ma kiŋ tɔ. 38 Pə taga polo, ma tiina isɔ ke sə ma lakə wei i tila-m tɔ i lugu nyɛnto, pə taga ma magamaga ma nyɛnto. 39 Na wei i tila-m tɔ i lugu nyɛnto nte sə ma taa yeke na mpa i cɛla-m tɔ pa taa nɔgɔlo le, ama sə ma kosə pa tənaga sɛtaa taa ke koyako kantəkaga nyənko wule ke. 40 Ma Caa lugu nyɛnto nte sə mpa mpa pa na Pəyaga ma na pa mo ma tɔm tɔ, pontonaa i hiki weesugu ņku kii ten tɔ, na maa feesi-wɛgɛ kantəkaga koyako wule.

41 Isi i yəgətogo mpo sə inəgələ kotəgəo ŋku ko tiina isətaa tə, səsə pə ta maga Yuta nyəma nte. 42 Tənaga pa təma sə, Isi Yosefo pəyalo Yesu kələ? Tə nyəma i caa na i tuu mē. Ile ntigi i yəgətəgə sə ini i tiina isətaa? 43 Mpogo Yesu cə-we sə, I taa miitina-m mpo. 44 Ta Caa wei i tila-m tə i yaa wei, ponto tike kəŋna ma kiŋ, na maa feesi-i kantəkaga koyako wule. 45 Antepunaa ŋmaa-wa təm tənə sə, Yəlaa tənə ka wē Isə kosegesaa. Pə tə ke yəlaa tənə mpa pa nəəkəna ta Caa Isə na pa mo i kosegesəto tə, pa kəŋ ma kiŋ. 46 Ile pə taga isi nəgolo tēma ta Caa Isə ke nao se, ye pə taga wei i ləna Isə kiŋ tə ini i nana-i.

47 Tampana ke ma heeligi-mē yuu, maa cəsəgə, wei i mo ma təm, ponto tēma weesugu ŋku kii tēŋ təgə hikugu ke. 48 Magalə kotəgəo ŋku ko haakə weesugu tə. 49 Mə caanaa caanaa təgəna manna ke tuule taa, piyele pa səpa. 50 Ama kotəgəo ŋku ko ləna isətaa tə, ŋkogo yolo i təgaa i kaa sə. 51 Magalə kotəgəo ŋku ko tiina isətaa na ko haa weesugu tə. Ye wei i təgə kotəgəo ŋko, ponto ka wē tam ke, ii tasəgə səpo. Na kotəgəo ŋku maa ha təgələ ma magamaga ma tənogo nanto, na ma haakə-təgə sə yəlaa tənə i hiki weesugu.

52 Tənaga Yuta nyəma soo tə tə ke həm na isələ koseemlə ke pa taa pa tike sə, Isənaga ini i ka kpaga i magamaga i tənogo nanto na i ha-to sə tə təgə? 53 Mpogo Yesu cəwa sə, Tampana ke ma heeligi-mē yuu, maa cəsəgə, ye i ta təgə Yolo Pəyaga ma ma tənogo nanto, na i ta nyə ma caləm, i kaa hiki weesugu ke mə magamaga. 54 Ye wei i təkə ma tənogo nanto na i nyəkə ma caləm, ponto tēma weesugu ŋku kii tēŋ təgə hikugu ke, na maa feesi-i sətā taa ke kantəkaga koyako wule. 55 Pə taga polo, ma tənogo nanto ke kotəgəo kopan̄ko ke, na ma caləm ke konyənyəəm kopam tətə. 56 Ye wei i təgə ma tənogo nanto, na i nyə ma caləm, ma na ponto tii wē tēma taa ke tamm tēmammam, polo kaa yasə-to. 57 Ta Caa Isə wei i tila-m tə, i wena i weesugu, na i tə ke ma wena ma weesugu tətə. Pə tə ke wei i təgə-m, ponto ka

wēena weesugu ke ma tō tō. 58 Tōo, kotōgōo ŋku ko lēna iso tōgōle. Na ko ta ke ŋku mē caanaa caanaa ka tōgaa na kagana pa fēi tō. Ama ye wei i tōkē kotōgōo konē, ponto ka wena i weesugu ke tam. 59 Kapēnahum ke Yesu sēgēsa tōm tēnēge Yuta nyōma cincili taa.

Tōm nti tē haakē weesugu tō

60 Waato wei i ifalaa nē tōm tēnē tō, pa taa pagalē tōma sē, Tōm tēnē tē kēla katē. Awe na pēsēgē tē mogo? 61 Yesu nawa sē tōm tēnē tē ta maga i ifalaa ilēna i tō-wē sē, Isi tōm tēnē tē kēla-mēgēle yaa? 62 Na i ka kōō na i na Yolo Pōyaga ma na ma kpaa timpī maa wēē tō, ilē isēnagalē i ka la? 63 Iso Feesugu haakēna weesugu, yolo tōnogo konē kolē kii waasēgē polo. Tōm nti ma heela-mē isētō tōgōle Feesugu nyēnto, na ntē ini tē haakēna yēlaa ke weesugu. 64 Paa na mpo, mē taa lēlaa ii togona-tē. Pē taga polo, hatuu kancaalaga Yesu ka nyōma mpa pa kaa tōkē i tōm tō, halēna i nyōma wei i ka lapē-i kolōmōtō tō. 65 Na Yesu sōōsa lēntē sē, Pē magamaga pē tōō ke maa heela-mē sē, nōgōlo kaa pēsē na i kōō ma cōlō, na pē ta kēna sē Iso hana-i pē mpaaō. 66 Pē kpagao koyāŋko tōgō i ifalaa taa lēlaa yēla-i na pa ta tasa-i tōnogo. 67 Mpogo Yesu pōōsa pa naanowa na naalē wei i kaasaa tō sē, Na mē se, mii tēē mē nyēŋko? 68 Tēnaga Simōŋ Piyēē cō-i sē, Ta Caa, awe kiŋ ke tii pulu? Nya tōm pēē haakēna weesugu ŋku kii tēŋ tō ilē. 69 Na pēnētē tē mowa na tē tē ta taa sē n ke Yolo Nanŋto ini, na n lēna Iso kiŋ. 70 Ilēna Yesu naa tō-wē sē, Mē naanowa na naalē inē pē taga ma lēsēna-mē? Pēcō mē taa lēlo na ke ilōgōo. 71 Simōŋ Isēkaleeu pōyalo Yutasē tōm ke i yōgō-tagā mpo. Na paa na i ke pa naanowa na naalē taa lēlo tō, kolom ini i kōmna na i lapē-i kolōmōtō.

Yesu na i newaa pa tōm

7 1 Pēlē pē waalē Yesu cōōkaga Kalilee tēto taa. I lugu fēi Yuta tēto taa ke cōōo, pē taga polo tōō, Yuta nyōma pēēkaga i kogo. 2 Yuta nyōma ciŋkaalē wei pa yaa

sə Lanāsə ciŋkaalə tɔ i wosaa, 3 ilena i newaa tɔmə-i sə, Kolə cənɛ na n pulu Yuta na nya ifalaa na tɔma nna n lakə tɔ tɔtɔ. 4 Ye yolo caa sə pa nyəmə-i ii ŋmɛsəgə i tɔma. Ye n lakə tɔma anəgə mpo ilɛ, yele na yɔlaa tɔna nyə-ŋ mɛɛ. 5 Pə taga polo, i newaa magamaga na ta mo i tɔm tɔtɔ. 6 Mpogo Yesu cɔ-wɛ sə, Pə ta magata-m na pɛcɔ. Ama ye mɛ, paa pilee pə maga-mɛgɛ. 7 Pə taga polo, antulənya nyəma taa kaa kpana-mɛ, ama pa taa kpaana ma. Mpi tɔ, ma holəgə sə pa kolapoto fɛi teu. 8 Mii kpa tənaga ciŋkaalə. Ye ma, ma kaa pulu. Pə taga polo, pə ta magata ma. 9 I tɔma-wɛgɛ heelugu kɛ mpo ilena ini i saalə Kalilee.

Yesu kɛ Lanāsə ciŋkaalə taa

10 I newaa kɔma na pa kpa ciŋkaalə tɔgɔ, ilena ini i magamaga i pulu, ama i ta yele sə nɔgɔlo i nyə, i pula iŋmɛlao kɛ. 11 Yuta nyəma pɛɛkaga-i ciŋkaalə wɛɛ taa, na pa tɔŋna tɔmaga pɔsogo sə, Ilɛ lege i wɛɛ? 12 Na samaa wɛlɔtaga i tɔm kɛ pa taa pa tike kɛ sɔsɔm. Lɛlaa sə yolo kopəŋ kɛ. Lɛlaa sə, Aai, i kɛ yolotosolo kɛ. 13 Paa na mpo Yuta nyəma sɔgɔnto tɔ nɔgɔlo taa yɔgɔ-təgə tɛfuu.

14 Pə kɔma na ciŋkaalə haga hɛko ilena Yesu pulu na i soo cincili sɔsɔ taa na i sɛgɛsəgə. 15 Mpogo pə lapa Yuta nyəma kɛ piti, na pa tɔŋ sə, Isənaga pə lapa na i nyə pə tənaga mpo pɛcɔ i ta la ceu? 16 Tənaga Yesu cɔ-wɛ sə, Nti ma sɛgɛsəgə isɛntɔ tɔ, ma ta lu-təgə kolupu, ama wei i tila-m tɔ ini i holəna-m-tə. 17 Ye wei i sɔla Isɔ lugu nyənto tɔŋogo, ponto tike ka nyəna sə ma kɔsɛgɛsəto ləna Isɔ kiŋ yaa ma magamaga ma kaŋkantɛ kɛ ma lakəna. 18 Wei i lakəna i kaŋkantɛ, i magamaga i sam kɛ i pɛɛkəgə. Ama wei i pɛɛkəgə i tillu sam, ponto ntɛ tampana to, na pɔpɔto fɛi i kiŋ. 19 Ntɔŋ Moisi hola-mɛgɛ Isɔ sɛɛo kɔsɛsəto tɔna na? Pɛcɔ paa mə taa kolom ii tɔŋəgə-tə. Anha, na i caa i ko-m suwe? 20 Mpogo samaa cɔwa sə, N nyəna alɔgaa kɛ? Awe caa i ko-ŋ? 21 Tənaga Yesu cɔwa sə, Pə taga polo, wule tɔlə ma lapa tɔmlɛ

sɔsɔɔlɛ natəlɛ na piti kpa mɛ tɛna. 22 Moisi na to-mɛgɛ pɛlogo, piyele pɛ ta tii kɛo Moisi kiŋ kɛ pɛ lɛnaa, ama hatuu mɛ caanaa caanaa kiŋ kɛ, na paa koyako kohɛsogo wule i pɛlɔgɛ pɛyaga kɛ. 23 Ye i pɛlɔgɛ pɛyaga kɛ kohɛsogo wule sɛ pɛ taa kɔɔ na i yɔkɛ Moisi kosɛsɛto, pepe tɔɔ kɛ ma waa yolo pilimle tɛcu kɛ kohɛsogo wule na mii mo-m na paana? 24 I taa nyɛnɛgɛ tɔɔ tike, ama i tɛnɛgɛ tampana na pɛɔɔ i yɔgɔtɔgɛ.

Yɛlaa lakɛ Yesu na piti

25 Yusalem nyɛma napɛlɛ pa yɔgɔtaga sɛ, Pɛ taga wei pa pɛɛkaga sɛ pa kogɛ tɔgɔlɛ? 26 I nyɛnɛ ilɛ i mɛlaa na i yɔgɔtɔgɛna-wɛ na ii nyaŋna polo, na pa suma. Isi ta sɔsaanaa mpɛ pa tɛŋ pa taa sɛ i kɛ Mesii kɛlɛ yaa? 27 Tɛ nyɛma sɛ waato wei Mesii ilɛ i ka kɔɔ na i kɔɔ tɔ, nɔgɔlo ii nyɛŋ i tɛ. Tɔfɔ ye pɛ kaasa inɛ ilɛ, tɛ nyɛma ilɛ i tɛlɛlɛ mɛɛ.

28 Yesu tɔŋna sɛgɛsogo kɛ mpogo cincili sɔsɔ taa, ilɛna i pɔɔsɛ-wɛ na nɔgɔ sɔsaga sɛ, Mɛ sɛ i nyɛma-m, na i nyɛma ma tɛlɛlɛ yaa? Aai, ma ta kɔɔ ma magamaga ma kɔntɛ se, ama wei i tila-m tɔ i wɛɛ na i kɛ tampana to. Ilɛ mɛ ta nyɛmɛ-i. 29 Ama ma, ma nyɛma-i, pɛ taga polo tɔɔ, i kiŋ kɛ ma lɛnaa, na ini i tilɛna-m. 30 Pa lugu lapa sɛ pa kpa-i, ama nɔgɔlo ta to niŋ kɛ i tɔɔ, i wɛlɛ ta tata tɔ pɛ tɔɔ. 31 Paa na mpo samaa ini i taa pagalɛ mo i tɔm na pa tɛ pa taa. Halɛna pa tɛŋ sɛ, Mesii i kɔma i kɔɔ, ilɛ i ka la piti tɛma na a kɛlɛ inɛ i nyɛna na?

Filisinaa tilugu kɛ Yesu kpao

32 Pɛ kɔma na Falisanaa nɛɛ nti samaa miitigi Yesu tɔɔ tɔ, ilɛna pa na kɔtɛlaa sɔsaa pa tili filisinaa sɛ pa pulu pa kpa-i. 33 Tɛnaga Yesu tɔma sɛ, Pɛ kaasa-m wɛɛ naalɛgɛ mɛ hɛko kɛ, ilɛna ma mɛlɛ wei i ka tila-m tɔ i kiŋ. 34 I ka pɛɛkɛ-m na i kaa na-m, pɛ taga polo, i kaa pɛsɛ na i kɔɔ timpi maa wɛɛ tɔ. 35 Tɛnaga Yuta nyɛma pɔɔsa tɛma sɛ, Lege i ka pulu na tɛ kaa na-i? I ka pulu Yuta nyɛma mpɛ pa yawa na pa pulu tuu Kɛlɛkɛ acalɛɛ taa tɔ pa kiŋ na i paasɛna Kɛlɛkɛ nyɛma yaa isɛna? 36 Ye pɛ

taga mpo, ntigile i yɔgɔtɔgɔ mpo sɛ, tii pɛɛkɛ-i na tɔ kaa na-i? Na tɔ kaa pɛsɛ na tɔ pulu timpi i ka wɛɛ tɔ?

Weesugu lom pusi tɔm

37 Cɪŋkaalɛ koyako kantɛkaga nyɛŋko ŋku ko kɛ koyako sɔsɔɔ tɔ ko wule, Yesu sɛŋa isɔ na i kpaalɛ sɛ, Ye lɔkɔto i wɛna wei, ponto i kɔɔ ma kiŋ na i nyɔɔ. 38 Wei i mo ma tɔm weesugu lom pusi ka lɛkɛna i taa na pɛ kpeŋ, isi pa yɔgɔtogo Isɔ Tɔm taa tɔ. 39 Mpa pa mo Yesu paa kɔɔ pa hiki Isɔ Feesugu ŋku tɔ, ko tɔm kɛ i yɔgɔtaga. Mpi tɔ, waato ini Isɔ Feesugu taa kɔnta, pɛ taga polo, Yesu taa soota i teeli taa tɔ pɛ tɔɔ.

Samaa fagao kɛ pa taa pa tike kɛ Yesu tɔɔ


40 Samaa ini i taa yɛlaa nɛɛ mpo ilɛna pa tɔ sɛ, Inɛgɔlɛ Antepu wei tɔ. 41 Lɛlaa sɛ, Mesii kɛ. Na lɛlaa naa tɔŋ sɛ, Kalilee kɛ Mesii ka lɛna? 42 Isɔ Tɔm takɛlasɛ taa wɛɛ sɛ, Mesii ka wɛɛ Tafiti lologo taa to kɛ, na Pɛtɛlɛhem timpi Tafiti ka wɛɛ tɔgɔ i ka lɛna. 43 Mpogo samaa faga Yesu tɔɔ. 44 Pa taa lɛlaa lugu lapa sɛ pa kpa-i, ama nɔgɔlo ta to niŋ kɛ i tɔɔ.

Falisanaa sɔsaa lanɲkpɛsɛŋ

45 Mpogo filisinaa mɛla kɔtɛlaa sɔsaa na Falisanaa pa kiŋ na pɛlɛ pa pɔɔsɛ-wɛ sɛ, Pepe tɔɔ kɛ i ta kɔna-i? 46 Tɛnaga filisinaa cɔwa sɛ, Tuu tɔ yolo nɔgɔlo i ta yɔgɔtɔta isi ini. 47 Mpogo Falisanaa pɔɔsa-wɛ sɛ, I kpɛna-mɛ na i pugusi tɔtɔgɔ? 48 Wulee i keesa ta sɔsaa yaa Falisanaa taa nɔgɔlo na ponto tɛŋɛgɛ-i? 49 Samaa wei i ta nyɛ Moisi kosɛsɛtɔ kɛ mpo tɔ, sɔntɔ nyɛma kɛ. 50 Pa taa lɛlo wei pa yaa sɛ Nikutɛm na i ka pula Yesu kiŋ kɛ ahuu tɔ, ilɛ i tɔ-wɛ sɛ, 51 Anɛ i nyɛma sɛ, ta kolapoto taa pɛ fɛi sɛ tɔ ko yolo tɔm kɛ mpo na tɔ ta caga na tɔ nɛɛ pɛ tɛna na tɔ cɛkɛna mpi i wakɛlaa tɔ. 52 Mpogo pa cɔ-i sɛ, Sɛsɛ Kalilee nyɛma mpegele na nyaga? Wiili Isɔ Tɔm taa na n na, tuu tɔ antepu nɔgɔlo ta tenta lɛɔ na Kalilee se. 53 Pɛlɛ pɛ waalɛ kɛ pa yawa na paa wei i mɛlɛ i tɔyaga.

Alo wasaᅇkalə təm

8 1 Ama Yesu nya kpa Olifenaa pogo. 2 Teo fema ilena i kolə ləᅇ ke tanəᅇ tēē na i mələ cincili səsə taa na samaa tənə kəᅇ i kiᅇ, ilena i caga na i segesəgə-wē. 3 Tənaga Iso Təm segesələa na Falisanaa pa kəna-i alo nəgolo wei pa kpələa na i lakə wasaᅇkaləto tə. Mpogo pa sən̄sa-i samaa heko taa. 4 Ilena pa tə Yesu sə, Ta Caa, tə kpələ alo inē ini na i lakə wasaᅇkaləto. 5 Moisi yəgəta i kosəsəto taa sə, alo i lapa mpo pə taka, tə yaga-i pēē na tə ko-i. Na nya, nya na we? 6 Pa nyəpa-i-təgə konyəpo ke mpogo sə pa hiki timpi paa tona-i taalə tə. Ama Yesu lunaa na i ᅇmaana mpile ke atē. 7 Pa tən̄na-i pəsogo ilena i kolə na i tə-wē sə, Mə taa wei i nyəma sə tuu tə ilē



i ta lata isagato, ponto i caalə-i pələ ləgə. 8 Ilena i tasa lunugu na i ᅇmaa atē. 9 Waato wei pa nəə təm tənē tə, pa soo ləlogo ke kolom kolom, pə kpagao səsaa na pə pulu piya tə, halə pə kəᅇ pə yele Yesu tike na alo ini, na ilē i sən̄a tənaga tam. 10 Yesu kəma na i kolə ilena i təmē-i sə, Alo nya, nya yələa mpe pa wele? Ntəᅇ nəgolo ta la-ᅇ polo? 11 Ilena alo cə sə, Nn ta Caa. Yesu cə-i sə, Tēē, ma tətə ma kaa yəgətə sə pa la-ᅇ polo. Ama taa tasa isagato ke.

Yesu wē isi kəkə kopəᅇka

12 Mpogo Yesu mələ i segesogo taa sə, Ma wēē ke isi

kòkò ñka ka naa yèlaa tɔ. Ye wei i tənəgə-m, kòkò ñka ka kɔŋna weesugu tɔ kaa naa-i na i tɔŋ. Na i kaa fɛlɛ səkɛtogo taa kɛ nɔɔhɛlɛ kɛ paa pɛɔ tɛta. 13 Tənaga Falisanaa tɔma-i sɛ, Isi n kɛsogoo nya tɛ tɔm kɛ mpo tɔ, pɛ fɛina nyogo se. 14 Mpogo Yesu cɔ-we sɛ, Paa ma kɛsəgə ma tɛ tɔm, tɛ we tampana tɔgɔ. Pɛ taga polo, ma nyəma timpi ma lənaa tɔ, pɛɔ ma nyəma timpi ma puki tɔ. Ama mə ta nyə ma tɛlɛlɛ, piyele i ta nyə ma tɛpute. 15 Mə hookə yolohoolɛ kɛ yem kɛ, ama ma ilɛ maa hookə nɔgolo tɔm kɛ ma taa. 16 Ilɛ paa ma tii hoowa, tampana tɔ kɛ. Pɛ taga polo, ma fɛi ma tike tɔ se, ama ma na ma Caa wei i tila-m tɔgɔ. 17 Pa ŋmaawa mə kosəsəto takələsə taa sɛ, Ye yèlaa naalɛ ləsa aseeta kolom, pa aseeta ini i we tampana. 18 Ma, ma yɔgɔtəgə ma tɛ tɔm na ma Caa wei ilɛ i tila-m tɔ, ilɛ i yɔgɔtəgə ma tɔm kɛ mpo tɔtɔ. 19 Mpogo pa pɔɔsa-i sɛ, Lege nya Caa ini i wɛɛ? Tənaga Yesu cɔ-we sɛ, I ta nyə ma, piyele i ta nyə ma caa. Ye i ka nyəma-m, i ka nyəma ma Caa tɔtɔ.

20 Yesu yɔgɔta tɔm tənɛgɛ i sɛgəsogo taa kɛ cincili sɔsɔ taa kɛ salaanaa tɛtolɛ cɔlɔ. Na nɔgolo ta kpa-i, i wolɛ ta tata tɔ pɛ tɔ.

Yesu tɛpute

21 Mpogo Yesu tasa-wɛgɛ heelugu sɛ, Ma tɛɛkə na i ka pɛɛkə-m, ama i ka sɛ mə isagato taa, mpi tɔ, i kaa pəsə na i pulu timpi ma puki tɔ. 22 Tənaga Yuta nyəma tɔma sɛ, I ka ko i tɛ, yaa isənagalɛ i tɔŋ sɛ ta kaa pəsə na tɛ pulu timpi i puki tɔ? 23 Mpogo Yesu tɔma-we sɛ, Mə kɛ atɛ nyəma kɛ, ama ma, ma kɛ isɔtaa to. Mə kɛ antulənya inɛ i nyəma, ama ma ta kɛ antulənya inɛ i nyəŋ. 24 Pɛ tɔtɔ inəgə ma heeligi-mɛ sɛ, i ka sɛ mə isagato taa. Ye i ta tisi sɛ tampam magalɛ wei ini tɔ, i ka sɛ mə isagato taa. 25 Ilɛna pa pɔɔsə-i sɛ, Ilɛ n tii kɛ awege təkɛpem ye? Tənaga Yesu cɔ-we sɛ, Ma kɛ wei i tɔm maa heela-mɛgɛ hatuu kancaalaga tɔ. 26 Ma wɛna tɔm pagalɛ nti maa yɔgɔtə mə tɔtɔ na nti maa hoona-mɛ tɔ. Ilɛ wei i tila-m tɔ i kɛ tampana to, na nti ma nəə ini ini i kiŋ tɔ, tɛ tike kɛ ma heeligi antulənya taa.

27 Pa ta cəkəna sə ta Caa Iso tɔm ke i heeligi-wɛ.
 28 Tənaga Yesu tɔma-wɛ sə, Waato wei i ka kpaasə Yolo Pəyaga ma ilɛ, waato inəgə i ka nyə sə, magalɛ wei ini tɔ. Na i ka nyə tɔtɔ sə, maa lakə polo na ma magamaga ma kanƙantɛ. Ama nti ta Caa Iso sɛgɛsa-m tɔgɔ ma lakə.
 29 Wei i tila-m tɔ i wɛ ma waalə, i ta yele-m ma tike, mpi tɔ, i lugu tɛɛ nyənto ke ma lakə. 30 Yesu yɔgɔta mpo ilena pagalɛ mo-i.

Yumaa na kasagampiya tɔm

31 Ilena i heeli Yuta nyəma mpa pa mo-i tɔ sə, Ye i tənəgə ma tɔm ke teu, i ka pəsə ma ifalaa na tampana.
 32 Na i ka nyə tampana, na tampana anə a ka cɛna-mɛgɛ mə yumle taa. 33 Mpogo pɛlɛ pa cɔ-i sə, Tə ke Aplaham lologo ke, na nɔgɔlo taa kpa-togo yumle ke paa pɛcɔ. Ilɛ pepe cɛpo ke n tən sə pii cɛ-to? 34 Tənaga Yesu cɔ-wɛ sə, Tampana ke ma heeligi-mɛ yuu, maa cɛsəgə, wei i lakə isagato tɔ, ponto pəsə tə yum ke. 35 Na yum na wɛ saɲa ke, i fɛi cele. Ama tɔyaga pəyaga na wɛ tam. 36 Ilɛ ye Pəyaga ma ma hɛta-mɛ, mə yumle tɛma tampana tɛm ke. 37 Ma nyəma sə i ke Aplaham lologo nyəma te. Paa na mpo, i pɛɛkəgə ma kogo, pə taga polo, i kisigi ma kɔsɛgɛsəto. 38 Nti ma Caa na hola-m tɔgɔ ma yɔgɔtəgə, na mii lakə nti mə caa na heela-mɛ tɔ.

39 Mpogo pa cɔ-i sə, Aai, ta Caa ke Aplaham ke. Tənaga Yesu cɔ-wɛ sə, Ye tampana i ka ke Aplaham piya, isəntɔ i ka lakaga Aplaham kolapoto mɛɛ. 40 Anə tampana nna ma nəə Iso kiɲ tɔ, a tike ke ma heela-mɛ, pɛcɔ paa na mpo i caa i ko-m təkɛm. Ilɛ Aplaham na taa la mpo. 41 Mə caa kolapoto ke i lakə. Tənaga pa cɔ-i sə, Tə ta ke apalaa naalɛ piya se, ama ta Caa ke kolom ke, inəgələ Iso. 42 Ilena Yesu tɔ-wɛ sə, Ye tampana, Iso ka ke mə Caa, i ka sɔɔla-m. Mpi tɔ, i kiɲ ke ma ləənaa, na i kɔntɛ ke ma kɔma. Ma ta kɔɔ ma magamaga ma kɔntɛ, ama ini i tiləna-m. 43 Pə taga polo tɔ ke ii cəkəgəna ma koyɔgɔtəto, ii caa tə nəəo ke paa pɛcɔ tɔgɔ. 44 Mə Caa kɛlɛ Ilɔgɔo, na i lugu nyənto ke mə sɔɔla lapo. Hatuu kancaalaga ilɛ i ke yolokolo ke, na ii caa tampana tənogo ke paa

pəcɔ, pə taga polo, i magamaga i ta ke tampana to tɔ pə tɔɔ. Waato wei i yɔgɔtəgə pɔpɔto tɔ, i tənagale tənə, mpi tɔ, i magamaga i ke pɔpɔto, na pɔpɔto tənə caa ke. 45 Ye ma, tampana ke ma yɔgɔtəgə, pə magamaga pə tɔɔ ke ii mogə ma tɔm. 46 Mə taa awe pəsəgə na i holə ma təpəntələ? Tɔɔ, na ma tii yɔgɔtəgə tampana tɔ, pepe tɔɔ ke ii saŋ mogo? 47 Wei i ke Iso nyəŋ tɔ, ponto nəəkə Iso Tɔm ke. Ama mə ta ke Iso yələa napələ, na pə tɔɔ inəgə ii tii nəəkə.

Yesu yɔgɔta Aplaham tɔm

48 Tənaga Yuta nyəma cɔ-i sə, Pə taga isəntɔ tɔɔ ke tii tɔma sə n ke Samalii to, pəcɔ n hii alɔgaa? 49 Mpogo Yesu cɔ-wɛ sə, Ma ta hii alɔgaa paa pəcɔ, ama ma Caa ke ma seeki. Na mɛ, mii nyənəgə-m yem təkpataa. 50 Pə taga isi ma pɛəkəgəna ma magamaga ma teeli ke ma tə. Ama nəgɔlo wenna na i pɛəkəgə-mə-i, na i teesigi ma tɔm. 51 Tampana ke ma heeligi-mɛ yuu, maa cəsəgə, ye wei i təkəgə ma tɔm, ponto kaa sə. 52 Tənaga Yuta nyəma tɔma-i sə, Pənɛgele tə nyəma təkpataa sə n ke ilɔgɔhilu. Aplaham səpa, na antepunaa naa sə tɔtɔ, na naa tɔŋ sə, wei i tɔka nya tɔm ponto kaa sə? 53 Ta Caa Aplaham na səpa, ye mpo nya hoo sə n kəla ilɛgele? Antepunaa magamaga na səpa tɔtɔ. Ilɛ n nyənəgə nya təgə we? 54 Mpogo Yesu cɔwa sə, Ye maa tokagana ma təgə teeli, ilɛ ma teeli ini i taa ke polo se. Ama ma teeli tolo ntɛ ma Caa, wei mə tɔŋ sə i ke mə Iso tɔ, 55 piyele inəgə i ta nyə. Ama ma, ma nyəma-i. Haləna ye ma kpɛɛsaa sə ma ta nyəmə-i, ma pəsə pɔpɔto ke teitei isi mɛgɛ. Ama ma nyəma-i, na ma tənəgə i koheelitu na ma lakə. 56 Mə caa Aplaham lanle naa holoma teu, pə taga polo tɔɔ, i tɛɛlagaa sə i ka na ma kɔntɛ. Na i tii na-tɛ, na pə hɛɛsa i lanle ke teu. 57 Tənaga Yuta nyəma cɔ-i sə, Nya pəəsə na ta tii tata nəələnnanowa na n tɔŋ sə n tɛma Aplaham ke nao na? 58 Mpogo Yesu cɔ-wɛ sə, Tampana ke ma heeligi-mɛ yuu, maa cəsəgə tuu na pəcɔ pa lolə Aplaham tɔ, ma wɛɛ ke. 59 Tənaga pa kpaga pɛɛ sə pa yakə-i, ama Yesu ŋməlaa na i ləə cincili sɔsɔ taa.

Yolo wei pa loləna yolomto tɔ

9 1 Yesu tɛɛkaga ilena i na yolo wei pa loləna yolomto tɔ. 2 Mpogo i ifalaa pɔɔsa-i sɛ, Ta Caa, apalo inɛ ini i lapəna isagato yaa i caanaa na pa lolə-i mpo? 3 Tənaga Yesu cɔ-we sɛ, Pə ta kɛ isi ini i lapəna isagato yaa i caanaa, ama pə lapa mpogo pɛcɔ Iso tuma nana nti i ka lapə-i tɔ tɔ kiŋ. 4 Pə nɛgəsəna tɔ lakə wei i tila-m tɔ i tɛma kɛ ilim taa, pə taga polo, ahuu caa yugu, ilɛ tɛmlɛ kaa wɛɛ pəsogo tɔtɔ. 5 Koyɛɛŋ wei i taa ma wɛ antulənya taa cənɛ tɔ, magalɛ kəkɔ ŋka ka naa yɔlaa tɛna tɔ. 6 I tɛma mpogo yɔgɔtogo ilena i tɔ ntagama kɛ atɛ, na i la tɛɛliya, na i taa yolom ini i isɛ. 7 Na i tɛmɛ-i sɛ, Pulu na n saŋ nya isɛ kɛ Siluwee ləɛɛ taa. Hɛtɛ tɛnɛ tɔ howɛɛ wɛɛ sɛ, Pa tilaa. I pulaa na i saŋ i isɛ, ilena i mɛlɔ na i naakə tɛcaicai.

8 Mpogo i cɔɔ nyɛma mpa paa nyɛma-i lɔŋ sɛ i kɛ pala lato tɔ, pa tɛma sɛ, Pə taga inɛ ini i ka cakagana na i lakə pala? 9 Lɛlaa sɛ inɛgɔ. Lɛlaa sɛ, Aai pə taga ini, i nɛgəsɛɛ kɛ. Ama apalo ini i cɔwa sɛ, Ma magamaga kɛ. 10 Tənaga pa pɔɔsa-i sɛ, Isənaga n lapa na nya isɛ anə a kuli? 11 Mpogo i cɔ-we sɛ, Apalo wei pa yaa sɛ Yesu tɔ, ini i lapəna tɛɛliya na i taa ma isɛ, na i tɔ-m sɛ ma pulu Siluwee ləɛɛ taa na ma saŋ ma isɛ. Ma pulaa na ma saŋ, ilena ma tɔ soo nao. 12 Tənaga pa pɔɔsa-i sɛ, Lege apalo ini i wɛɛ? Ilena i cɔ sɛ, Ma ta nyɛ.

Falisanaa pɔɔsogo kɛ yolom waao tɛm

13 Mpogo pa kpaga wei ini i ka kɛ yolom tɔ na pa puna-i Falisanaa kiŋ. 14 Pə taga polo, koyako kohɛɛsogo wule kɛ Yesu lapa tɛɛliya na i kuləna apalo ini i isɛ. 15 Pə tɔɔ ini i magamaga kɛ Falisanaa na lɛla-i pɔɔsogo kɛ isəna pə lapa na i isɛ kuli tɔ. Ilena i cɔ-we sɛ, Tɛɛliya kɛ i taa ma isɛ, ilena ma saŋ na pənɛ ma naakə. 16 Tənaga Falisanaa taa lɛlaa na tɛma sɛ, Pə taga Iso kiŋ kɛ apalo wei ini i lakə mpo tɔ i lənaa, mpi tɔ, ii tɛnɛgɔ koyako kohɛɛsogo kiŋ. Lɛlaa sɛ, Ye i ka kɛ isagao isənaga i ka pəsaa na i la piti tɛma anɛ a takanaa kɛ mpo? Halɔ pa caŋ pa faga pa taa pa tike.

17 Mpogo Falisanaa tasa yolo wei i ise pə kula mpo tɔgɔ pɔɔsogo sə, Na nya hookə suwege apalo wei ini n tɔŋ sə i kula nya ise tɔ i tɔɔ? Ile i cɔ-we sə, I ke antepu ke. 18 Ama Yuta nyəma mpe pa ta mo-tə sə i ka ke yolom ke na i ise kuli, haləna pa kɔna i caa na i tuu. 19 Na pa pɔɔsə-we sə, Ntɔŋ mə pəyaga ke inɛ inəgə təkpem na? Pəcɔ i tɔŋ sə i lola-i na yolomto yee? Tɔɔ, ile isənaga pə lapa na i naakə pənɛ? 20 Mpogo i nyəma na cɔwa sə, Tə nyəma-i sə ta pəyaga ke-i, pəcɔ tə lola-i na yolomto. 21 Ama tə ta nyə isəna pə lapa na kagana i naakə tɔ. Piyele tə ta nyə wei i kula i ise tɔ. I magamaga i ta ke pəyaga, i pɔɔsə-i na i ka heeli-mɛgɛ isəna pə lapa tɔ. 22 I nyəma na yɔgɔta mpo, mpi tɔ, pa see Yuta nyəma. Pə taga polo, Yuta nyəma ka pɛɛla nɔgɔ sə, ye wei i tɛma i taa na i tisi sə Yesu ke Mesii, paa ləsə ponto ke pa cincili taa. 23 Pə tɔɔ ke i nyəma na tɔma sə, I magamaga i ta ke pəyaga, i pɔɔsə-i.

24 Mpogo Falisanaa tasa apalo wei i ka ke yolom tɔgɔ yaa na pa tɔmə-i sə, Ama na Isɔ tɔɔ yɔgɔtə tampana. Tə nyəma apalo inɛ i tɔɔ sə i ke isagao ke. 25 Tənaga ile i cɔ-we sə, Ma ta nyə sə i ke isagao yaa i ke kopan tɔ, ama kolomto tike ke ma nyəma sə, maa ke yolom na pənɛ pə taa ma naakə. 26 Iləna pa pɔɔsə-i sə, Pepege i lapa-ŋ? Na isənaga i lapa na pəcɔ nya ise kuli? 27 Mpogo i cɔ-we sə, Ma tɛma-mɛgɛ heelugu na i ta mo. Ile pepe tɔɔ ke i caa i tasa-təgə nəəo? Yaa mə caa i sɔɔsə i ifalaa tɔɔ tɔtɔ? 28 Tənaga pa too-i na pa tɔ sə, Nya kəna yolo ini i ifalo, ama ta tə ke Moisi ifalaa ke. 29 Tə nyəma sə, Isɔ yɔgɔtəna Moisi, ama pə kaasogo yolo ini tɔ, tə ta tii nyəm i tələələ. 30 Mpogo apalo ini i cɔ-we sə, Ama nti tə we piti tɔgɔlə sə, mə ta nyə i tələələ, piyele i kula maga ma ise. 31 Tə nyəma sə Isɔ ii mogə asagaa nɔɔsə, ama wei i togə-i teeli na i lakə i lugu nyənto tɔ, ponto nɔgɔ ke i mogə. 32 Tuu tɔ, tə ta nəəta sə nɔgɔlo kula yolo wei pa loləna yolomto tɔ i ise. 33 Pə tɔɔ ke ye apalo inɛ i taa ke Isɔ nyən i taa pəsə na i la polo. 34 Mpogo pa cɔ-i sə, Hatuu pa lologo nya tɔ, isagato tike ke nya nyəma, na nyaa caa n sɛgɛsə ta na? Iləna pa tɔgɔnə-i pa cincili taa.

Isē nyōma sēkpetogo

35 Mpogo Yesu nēawa sē pa tōgōna-i, ilēna i kōō i suli-i na i pōōsē-i sē, N mo Yolo Pēyaga tōm na? 36 Tēnaga i cō-i sē, Ta Caa, holē-m wei pa yaa mpo tō na ma mo. 37 Mpogo Yesu tōma sē, N na-i mēē, i magamaga kēlē ma wei ma yōgōtōgōna-ŋ isēntō tō. 38 Ilēna i tō sē, Ta Caa, ma mowa. Na i luŋi-i atē.

39 Mpogo Yesu tōma sē, Ma kōma antulēnya taa cēnēgē sē ma fakē tampana nyōma na tasēkēlē nyōma, na mpa paa naakē tō pa na, na mpa pa naakaga tō pa yolēmō. 40 Falisanaa napēlē paa wē tēna na pa nēakē tōm tēnē, ilēna pa pōōsē-i sē, Pē kpeŋna ta, ta kē yolomaa tōtō? 41 Mpogo Yesu cō-wē sē, Ye tampana i ka kē yolomaa, i taa wēna isagato. Ama isi i tōŋogo sē i naakē tō, pē tōō kē mō isagato wē tam.

Heeŋ kalako tōm

10 1 Tampana kē ma heeligi-mē yuu, maa cēsēgē, wei i yela heeŋ kalako nōnōgō kē soonao na i ŋmaana tiili tōō na i soo tō, ponto kē ŋmēōlo na wakēllo kē. 2 Ama wei i tēŋēgōna nōnōgō na i soo tō, ponto ntē tiikulu. 3 Na nōnōgō tanlo tolēgē-i na i soo, na heeŋ nyōma i nōgō, na i kalēgē i heeŋ hēla kē kolom kolom na i lēkēna-i awalē. 4 Waato wei i tēŋ i heeŋ ini i tēnaga lēnao tō, ilēna i tēē-i nōgō na heeŋ naa to i waalē, pē taga polo, i nyōma i nōgō tō pē tōō. 5 Ama ye kpai to, i kaa tēŋ ilē, halē i ka se-i sōsōm kē. Mpi tō, i ta nyē kpai nyōma nōōsē tō se.

6 Yesu kēēsa-wēgē tēnē ini, ama pa ta cēkēna tō howēē.

Yesu kēna tiikulu kopāŋ

7 Mpogo Yesu tasa yōgōtaga sē, Tampana kē ma heeligi-mē yuu, maa cēsēgē, magalē heeŋ kalako ŋko ko nōnōgō. 8 Pa tēna mpa pa laala-m kōntē tō, paa kē ŋmēōlāa na wakēllāa kē, na heeŋ na ta tii nēōna-wē. 9 Magalē nōnōgō, wei i tēŋna ma tōō na i soo, pii ya i nyogo. I ka sookē na i lēkē, na i ka hikigi nyēōto kopanto. 10 Nmēōlogo na lēntogo na wakēlogo tōō tike kē

nmælo na kəŋ. Ama ma kɔmaga sə ma heeŋ i wɛɛ alaafiya taa kɛ tam tɔpɔkɛɛɛ.

11 Ma kɛna ntɛgɛ tiikulu kopəŋ ini. Na wei i kɛ tiikulu kopəŋ tɔ, ponto ini ii kisigi i heeŋ sɛm sɛpo. 12 Apaa to wei i ta kɛ tiikulu, na i ta tɔ heeŋ tɔ, i na sonsomogo kəŋ i see kɛ, na sonsomogo kɔɔ na ko kpa heeŋ na ko yasə-i yem yem. 13 Apaa to seeki tɔ, pɔ taga polo tɔɔ, ligitee tɔɔ kɛ i lakə, na heeŋ ini i tɔm ii caaləgə-i. 14 Ma kɛna ntɛgɛ tiikulu kopəŋ ini. Ma nyɔma ma heeŋ na ma heeŋ nyɔma-m, 15 teitei isi ma Caa nyɔmə-m na maa nyɔma-i tɔ. Na ma sɔɔlo pəəwa sə ma sə ma heeŋ sɛm. 16 Ma wɛna heeŋ lələŋ wei i fɛi kalako kɔnɛ ko taa tɔ, na ini ini, isii ma pulaa na ma kɔna-i, na i ka nyə ma nɔgɔ na i ka kpɛntɔ kalako kolomogo na tiikulu kolom.

17 Ma lɔɔ ma weesugu kɛ sə cele ma taganə-kogo hikugu. Na ma sɔɔlo pəəwa sə ma la mpo tɔgɔ ma Caa lugu wɛ-m. 18 Pɔ taga isi nɔgɔlo lɛɛkəgə-m-kogo kolɛɛko se, ama na ma lugu kɛ ma lɔna-ko. Ma wɛna pəsogo sə ma lɔ-ko, pɛɔɔ ma wɛna pəsogo sə ma taganə ko hikugu. Mpogo ma Caa heela-m sə ma la.

19 Mpogo i tɔm tənɛ tɔ tɔɔ Yuta nyɔma tasa fagao kɛ pa taa pa tike. 20 Pa taa pagalɛ na tɔŋaga sə, I hii alɔgaa, pɛɔɔ i soo kpanogo. Pepe tɔɔ kɛ i nəəkə i tɔm? 21 Lɛlaa sə pɔ taga ilɔgɔhilu koyɔgɔtɔto ntɛ tənɛ ini. Ilɔgɔo ka pəsə na i kuli yolomaa isɛ na?

Yuta nyɔma kisugu kɛ Yesu

22 Pa lakaga Yusalem kɛ Cincili Sɔsɔ Taganogo cɪŋkaalə na pɔ pamna wato waatə. 23 Na Yesu cɔkə cincili sɔsɔ taa kɛ Saloməŋ lanaga tɛɛ. 24 Tənaga Yuta nyɔma tama-i kutaga na pa pɔɔsə-i sə, Ye tampana nyagalɛ Mesii, pilee kɛ n ka heeli-to tɔfuu na tɔ hɛɛsə ligiligi inɛ? 25 Mpogo Yesu cɔ-wɛ sə, Ma tɛma-mɛgɛ heelugu na i ta mo. Tɛma nna ma lakəna ma Caa tuŋ tɔ, alɛ a holəgə ma kɛ wei tɔ. 26 Ama ii saŋ mogo, pɔ taga polo, i ta kɛ ma heeŋ tɔ se. 27 Ma heeŋ nyɔma ma nɔgɔ, na ma nyɔma-i, na i tɔŋəgə-m. 28 Na ma haa-i weesugu ŋku kii tɛŋ tɔ, na i kaa le, pɛɔɔ nɔgɔlo kaa lɛɛkə-i ma niŋ taa. 29 Ma Caa

wei i hamə-i tɔ i kəla pə tənə, na nɔgolo kaa pəsə i lækə-i ma Caa ini i niŋ taa. 30 Ma na ma Caa tə wɛ kolom.

31 Tənaga Yuta nyəma tasa pɛɛ kɛ kpagao sɛ pa yakə-i. 32 Mpogo Yesu tɔma-wɛ sɛ, Ma hola-mɛgɛ tɔma kopana pagalɛ nna ma lakəna ma Caa tuŋ tɔ, a taa nte tɔ tɔ kɛ i caa-m pɛɛ yagao? 33 Ilena Yuta nyəma cɔ-i sɛ, Aai, ta paa fɛina nya tɔma kopana, ama isi n tii kpao Iso tɔ tɔgɔ. Pə taga polo, nyaga yolo na n kɛɛsəgəna Iso kɛ nya tɔ. 34 Mpogo Yesu cɔ-wɛ sɛ, Pa ŋmaawa mə kosə-səto takelasə taa magamaga sɛ Iso yɔgɔta napələ sɛ pa kɛ isɔnaa. 35 Tɔo, pa ta kisi mpa pa heela Iso tɔm tɔgɔ yaa sɛ isɔnaa pɛcɔ tɔ nyəma sɛ Iso Tɔm Nmaato kaa lagasə, 36 na ma wei ta Caa paasaa na i ləsə-m na i tisi atɛ cənɛ tɔ ma yɔgɔtaa sɛ ma kɛ Iso Pəyalo, ilɛ pepe tɔ kɛ i tɔŋ sɛ ma kpaa Iso tɔ? 37 Ye pə taga ma Caa tɔma kɛ ma lakə, i taa mo ma tɔm. 38 Ama ye ma tɔŋa ma Caa tɔma kɛ lapo, i mo-yɛ, paa i kaa mo ma magamaga. Ilɛ i ka cɛkəna kpakpaa kɛ tam tɔ sɛ ma na ma Caa tɔ wɛ tɔma taa.

39 Tənaga pa tasa ŋmilugu sɛ pa kpaa-i, ama i fita pa niŋ taa.

40 Mpogo Yesu kolaa na i mələ Yaatanə waalə, timpi Yuhanə ka caala Iso lom sɔo tɔ, na i caga tənə. 41 Na yəlaa pagalɛ pulu i kiŋ na pa tɔŋ sɛ, Yuhanə na taa la piti tɔmlɛ natələ, ama nti i tii yɔgɔta apalo inɛ i tɔ tɔ tɔ wɛ tampana. 42 Na yəlaa pagalɛ mo i tɔm kɛ tənə.

Lasaa sɛm

11 1 Pə wəəkaga apalo nɔgolo, pa yaa-i sɛ Lasaa, na i wɛ Petanii, timpi Mali na i kɔgɔ Maləta pa wɛɛ tɔ. 2 Mali ini i ka pələna ta Sɔsɔ nɔɔhɛɛ tɔ kɛ tulaalo na i həsə-yɛ na i nyɔsə, na ini i neu Lasaa kɛ pə wəəkaga. 3 Mpogo alaa mpe pa tilaa na pa heeli Yesu sɛ, Ta Caa, nya taapalo fɛina alaafiya. 4 Waato wei Yesu nəə mpo tɔ, i tɔma sɛ, Pə taga kotɔŋ ŋkogo i ka sənə, ama ko kiŋ kɛ yəlaa ka nana Iso teeli, na ko kiŋ tɔtɔgɔ Iso Pəyaga ma maa hikəna teeli.

5 Ama Yesu ka sɔla Malɔta na i neu na Lasaa ke teu. 6 Waato wei i nɔwa mpo sɔ Lasaa fɛina alaafiya tɔ, i tasa cagao ke koyɛɛŋ naalɛge timpi i ka wɛɛ tɔ. 7 Pɛlɛ pɛ waalɛ i tɔma i ifalaa sɔ, Tɔ mɛlɛ Yuta. 8 Tɔnaga i ifalaa tɔma sɔ, Nɔnɔ ke pɛlɛ pa kolaa sɔ pa yakɛ-ŋ pɛɛ, na n caa tɔnaga mɛlogo na? 9 Yesu cɔ-wɛ sɔ, Ilim na pɛ tɛm pɛ taga kalofonaa naanowa na naalɛ wɛnna? Ye wei i tɔŋ ilim pii tuguligi-i, ilim lakɛ na pɛ tɛna pɛ naa antulɔnya inɛ i taa tɔ pɛ tɔɔ. 10 Ye yolo i tɔŋ ahuu pii tuguli-i, i fɛina kɔkɔ tɔ pɛ tɔɔ. 11 I tɛma tɛm tɛnɛge yɔgɔtaga ilɛna i heeli-wɛ sɔ, Ta taapalo Lasaa tuuki, ilɛ maa pulu ma feesi-i. 12 Tɔnaga i ifalaa sɔ, Ta Caa, ye i hikigi tum, alaafiya caa kɔntɛ ke. 13 Ama i sɛm ke Yesu ka heela-wɛ, na mpɛ pa nyɛma sɔ tum magamaga ke. 14 Mpogo Yesu heela-wɛ tɔfuu sɔ, Lasaa sɛpa. 15 Na pɛ lapa mpo na ma fɛi tɔ, mɛ tɔɔ ma lanlɛ hɛɛwa, kagana i ka tɛna-m na mɛ taa ke teu. Tɔɔ, tɛ pulu tɛ na-i. 16 Tɔnaga Tumaa wei i ke tumpu tɔ i tɔma i ifalaa lɛlaa sɔ, Anha tɛ tɔŋ ta Caa na ta na-i tɛ kpɛntɛ sɛm ilɛ.

Yesu tɛnna sɛtaa kosogo

17 Yesu talaa ilɛna i magana sɔ pa pim Lasaa ke pɛlaao taa tɔ koyɛɛŋ ligiti kɔlɔ. 18 Na isi Pɛtanii ta hatɛlɔna Yusalɛm tɔ, halɛ pɛ ta tii talo kilomɛtɛnaa tuusu ke teitei, 19 pɛ tɔɔ ke Yuta nyɛma pagalɛ pulaa sɔ pa sɛŋna Malɔta na Mali ke pa neu lɔyaga cagao.

20 Waato wei Malɔta nɔwa sɔ Yesu kɔŋ tɔ, i kolaa na i sɛŋɛ-i, na Mali naa caga tɔyaga. 21 Tɔnaga Malɔta tɔma Yesu sɔ, Hai ma Cɛ, ye n ka wɛ cɛnɛ, ma neu taa sɔ. 22 Paa na mpo ma nyɛma sɔ nɔnɔ isɛntɔ n sɛlɛma mpigi Iso, i ka ha-ŋ-wɛ. 23 Yesu heela-i sɔ, Nya neu ka fe. 24 Tɔnaga Malɔta cɔwa sɔ, Ma nyɛma sɔ i ka fe kantɛkaga koyako ŋku ko wule sɛtaa ka fe tɔ.

25 Mpogo Yesu heela-i sɔ, Ma magamaga ma tɛnna sɛtaa kosogo na weesugu hao. Wei i tɛma-m na i taa ponto ka wɛɛna weesugu, paa i sɛpa. 26 Na wei i wɛna weesugu na i tɛŋna-m na i taa, i kaa sɔ paa pilee. Ilɛ nya

tisa mpo? 27 I cɔ-i sɛ, Nn ma Cɛ, ma tisa sɛ n kɛ Iso Pɛyalo Mesii wei pii wɛɛ sɛ i ka kɔɔ antulɔnya taa tɔ.


Yesu wula

28 Malɛta tɛma yɔgɔtogo kɛ mpo ilɛna i tɛɛ, na i pulu i yaa i neu Mali na i wɛlɛtɛ-i sɛ, ta Caa wɛ cɛnɛ na i pɔɔsɛgɛ nya tɔɔ. 29 Waato wei Mali nɛɛ mpo tɔ i kolaa tɛwaka na i pulu i kiŋ. 30 Na Yesu na ta soota icatɛ taa, ama timpi Malɛta ka sɛŋa-i tɔ tɛnaga i wɛɛ na i sɛŋa mpo. 31 Yuta nyɛma mpa paa kɔma na pa sɛŋna Mali kɛ lɛyaga cagao tɔ, pa na i kola mpo tɛwaka na i lɛɛ, ilɛna pa tɛŋɛ-i, pɛ taga polo pa hoowa sɛ i puki pɛlaao tɔɔ kɛ wula kɛ.

32 Waato wei Mali tala Yesu kiŋ na i na-i tɔ, i huta i nɔɔhɛɛ tɛɛ na i tɔ sɛ, Hai ma Cɛ, ye n ka wɛ cɛnɛ ma neu taa sɛ. 33 Yesu na-i na i wiiki na pɛ kɛŋna Yuta nyɛma mpa i na-wɛ paa pulaa tɔ, ilɛna i lanlɛ wakɛlɛ sɔsɔm na pɛ pɛkɛlɛ-i pɛ tii fɛi. 34 Ilɛna i pɔɔsɛ-wɛ sɛ, Lege i pima-i? Mpogo pa cɔ-i sɛ, Ta Caa kɔɔ na n na. 35 Ilɛna Yesu soo wula. 36 Tɛnaga Yuta nyɛma tɔma sɛ, I nyɛnɛ isɛna i ka sɔɔla-i tɔ. 37 Ilɛna pa taa lɛlaa naa tɔ sɛ, Ini wei i kula yolom isɛ tɔ, pii lapa isɛna na i yele na yolo inɛ i sɛ?

Lasaa fem

38 Mpogo Yesu lanlɛ tasa wakɛlogo kɛ sɔsɔm, ilɛna i pulu pɛlaao tɔɔ. Kii kɛ kokpamogo tɛɛ poogo kɛ na pa tɛka pɛɛo. 39 Mpogo Yesu tɔma sɛ, I kuli pɛɛo ŋko. Tɛnaga sɛto ini i kɔgɔ Malɛta tɔma sɛ, Ta Caa, isɛntɔ i



tēma sənogo, pə taga polo, pa pima-i tō i koyēēŋ ligiti kōlō. 40 Ilēna Yesu tōmā-i sə, Ma taa heeli-ŋ sə ye n tēma-m na nya taa n ka na Isō teeli? 41 Mpogo pa kula pəəo, ilēna Yesu teki i isē na isō na i tō sə, Ta Caa, n mogə ma nōgō tō ma sēē-ŋ. 42 Ye ma, ma nyəma sə tam kē n mogə ma nōgō, ama yəlaa mpa pa cōna-m isəntō tō, pa tō kē ma yōgōta mpo, pəcō pa tona sə nya tilina-m. 43 I yōgōta mpo ilēna i huli sōsōm sə, Lasaa ləə. 44 Ilēna sətō ini i ləə, na saalasə hōka i nōhēē na i niŋ, na poogo hōka i isəntō. Ilēna Yesu tō sə, i hētə-i na i yele-i na i tēē.

Yesu kuluntunaa nōgō pēelogo

45 Yuta nyəma mpa paa kōma Mali tē tō, pa na mpi Yesu lapa mpo tō, ilēna pa pagalē mo i tōm. 46 Ama pa taa ləlaa na ləəwa na pa pulu pa magana Falisanaa, na pa heeli-wēgē mpi Yesu lapa tō. 47 Tənaga Falisanaa na kōtəlaa sōsaa pa kuta pa kutugu sōsō, na pa tō sə, Isi apalo inē i lakogo piti tēma pagalē kē isəntō tō, isənaga tii la i tōm? 48 Pə taga polo, ye tə yela-i na i lakə mpo, yəlaa tēna ka mo i tōm, na Lum tətō sōsaa ka kō na pa soo pə taa, na pa wakələ ta cincili sōsō na pa sə ta tətō. 49 Pa taa nōgōlo ka kē kōtəlo sōsō kē pənaga ŋkē, pa yaa-i sə Kayifi. Tənaga ilē i kolaa na i tō sə, I ta cəkəna kē? 50 I ta cəkəna sə pə kəla teu sə yolo kolom i sə yəlaa tēna sēm na mpi ta tətō tēna ka la yem tō? 51 Nti i yōgōta mpo tō tə ta ləəna i magamaga i kiŋ, ama i kē kōtəlo sōsō kē pənaga ŋkē tōgō i na nti tii kō cele tō, sə Yesu ka sə Yuta nyəma sēm. 52 Na pə taga pələ pə tō tike, ama sə i kpentə Isō piya tēna mpa pa yawa tō na pa pəsə kolom tōtō. 53 Pə kpagao koyan̄ko tō Yuta tun̄tonaa to i pələ nte sə pa kogə-i. 54 Pə tō kē Yesu ta tasa ləəo kē Yuta nyəma samaa taa tōyēkēē, ama i tuusina tuule kiŋ kē icatē nte pa yaa sə Ifəlayim tō tə taa, na i na i ifalaa pa caga tēna.

55 Yuta nyəma cin̄kaalə wei pa yaa sə Paakə tō i wosaa, na yəlaa ləkagana acalēē acalēē sə pa puki Yusalēm kē pa nyōōŋ tō asilima kēelogo kōtasə lapo na

pəcɔ cɪŋkaalə ini i tala. 56 Na pa pɛɛkəgə Yesu na pa pɔɔsəgə tɛmaga cincili sɔsɔ taa sɛ, Ile i hoo suwe? I ka kɔɔ cɪŋkaalə yaa i kaa kɔɔ? 57 Na kɔtələa sɔsaa na Falisanaa ka to nɔgɔ sɛ ye wei i nyəma timpi i wɛɛ tɔ i kulisi i tɔɔ na pa pulu pa kpa-i.

Tulaalo sagalogo kɛ Yesu nɔɔhɛɛ

12 1 Pə kaasa koyɛɛŋ naatusu sɛ Paakə i tala, ilɛna Yesu mələ Petanii kɛ timpi Lasaa wei i ka feesa sɛtaa taa tɔ i wɛɛ tɔ. 2 Na tənaga pa lapa-i ikɔnto, na Malɛta naa pukina kotɔgɔ. Na Lasaa wɛ i na mpa pa caga tɔtɔgɔlɛ tɔ pa taa. 3 Mpogo Mali kpaga tulaalo wei pa lapəna naatə na i wɛ ligitee kɛ sɔsɔm tɔ i akpaləpiya na i pələ Yesu nɔɔhɛɛ tɔɔ, na i taganə-yɛgɛ hɛəsogo na i nyɔɔsɛ. Mpogo tulaalo sɔɔsɛŋ nyaləna tɔyaga tɛkpɛmm. 4 Yesu ifalaa taa lɛlo, Isəkaleeu pɔyalo Yutasə wei i ka tɛ na i lapə-i kɔlɔmɔtɔ tɔ, i tɔma sɛ, 5 Pepe tɔɔ kɛ pa taa pɛɛtə tulaalo ini isi kputukun nɛətusunnaanowa na pa ha konyɔntonaa? 6 Pə taga isi i wiikaga konyɔntonaa tɔgɔ i yɔgɔta mpo, ama i kɛ ŋmələo tɔgɔ. Halə ini i tɔkagana hulugu, na i ŋmələaga mpi pa togə ko taa tɔ. 7 Ama Yesu tɔma sɛ, I yele-i tɛkpi yuu, ma koyako kopimugu tɔɔ kɛ i sɛə tulaalo inɛ. 8 Mə na konyɔntonaa i wɛ tam kɛ, ama ma na-mɛ tɔ fɛi tam.

Nɔgɔ pɛɛlogo kɛ Lasaa kogo tɔɔ

9 Mpogo Yuta nyəma samaa tuutuuma nɛəwa sɛ Yesu wɛ Petanii, ilɛna pa kɔɔ. Na pə taga i tike i tɔɔ, ama na Lasaa wei i ka feesa sɛtaa taa tɔ i nao tɔɔ tɔtɔ. 10 Tənaga kɔtələa sɔsaa to Lasaa pələ sɛ pa kogə ilɛ tɔtɔ. 11 Pə taga polo, i tɔɔ kɛ Yuta nyəma pagalɛ ləkaga pa hɛko na pa tɛŋəgə Yesu.

Yesu pute kɛ Yusalɛm na teeli sɔsɔ

12 Pə fema ilɛna yələa samaa pagalɛ mpa pa kɔma Paakə tɔ pa nɛə sɛ Yesu tɛŋna Yusalɛm kɛ kɔntɛ, 13 ilɛna pa kpaga pacontɔ na pa sɛŋəgə-i, na pa yɔgɔtəgəna nɔɔsɛ sɔsɔɔnsɛ sɛ, Paa wei i to Isɔ kɛ teeli. Isɔ i wɛɛ wei i

kõna ta Caa tunj tɔ i waalə! Inəgələ Isəgələ wulao sɔsɔ!
 14 Mpogo Yesu hika kpaŋaga na i caga ka tɔɔ, ilena pə
 ləə teitei isi paa ŋmaao Iso Tɔm taa tɔ sə,

15 Siyɔŋ icatɛ nyəma mɛ, i taa nəgəsə.

I nyənə, mə wulao kɔna nte,

Na i caga kpaŋaga pile.

16 I ifalaa na ta cəkəna-tə na pəcɔ, ama pə kɔma na Yesu
 tɛ i teeli taa kɛ sooo tɔgɔ pa tɔɔsaa sə paa kɛesa-təgə Iso
 Tɔm taa, halə pa tii tɛma-i pə tənaga mpogo lapo.

17 Pa tənə mpa paa wɛ waato wei Yesu yaa Lasaa kɛ
 pələao taa na i feesi-i tɔ, pa yɔgɔtaga pə tənə mpi pa nawa
 tɔ. 18 Pə tɔɔ kɛ samaa sənə-i, pə taga polo tɔɔ, pa
 nəwaga sə i lapa piti tɛmlɛ tənɛ. 19 Mpogo Falisanaa
 tɔma sə, I nawaa, tə wəə i tɔm nte. Samaa tənə pəsənə i
 tɔɔ kɛlɛ fa.

Kələkə nyəma pɛkogo kɛ Yesu

20 Kələkə nyəma napələ paa wɛ mpa pa kɔma ciŋkaa-
 lə tɔɔ sə pa sɛɛ Iso tɔ pa taa. 21 Mpogo pa kpətəna Fili-
 po wei i kɛ Kalilee Pɛtəsaita to tɔ, na pa tɔmə-i sə, Ta
 caa, tə caa tə na Yesu. 22 Tənaga Filipino pulaa na i heeli
 Antələə, na pa naalɛ pa pulu pa heeli-təgə Yesu. 23
 Mpogo Yesu cɔ-wɛ sə, Pə tala Yolo Pəyaga ma ma teeli
 taa sooo nte. 24 Tampana kɛ ma heeligi-mɛ yuu, maa
 cəsəgə, ye inyogo ta tasa hapələ taa, kofatɛ ii lagasəgə.
 Ama ye ko tasaa, pə loləgə teu kɛ təyoo. 25 Ye wei i
 sɔɔla i weesugu, ponto ka le. Ama wei i lapa i weesugu
 kɛ awusa kɛ atɛ cənɛ, kii wɛɛ tamm ko kaa tɛ, paa pilee.
 26 Ye wei i caakə ma tɛmlɛ lapo, isi ponto tənə-m, na
 timpi maa wɛɛ tɔ i ka wɛɛ tənə tɔtɔ. Ye wei i lakə ma
 tɛmlɛ ma Caa ka samə-i.

Yesu faaci kɛ i səm tɔɔ

27 Pənente pə pəkəla-m ma howɛɛ taa kɛ, pə tii fɛi.
 Ilɛ ntigi maa yɔgɔtə? Maa yɔgɔtə sə, Ma Caa ya-m mpi
 pə kɔŋ isəntɔ tɔ pə niŋ taa? Aai, konyɔŋ kɔnɛ ko
 magamaga ko tɔgɔo kɛ ma tii kɔma. 28 Ma Caa, ma caa
 kɛ sə, n yele na nya hətɛ yaa. Tənaga pə yɔgɔtəna isɔtaa

sə, Ma yelaa na ma hətə yaa, na maa yelee na tə tasa yaa.

29 Samaa wei i ka wə tənə na i nəəkə tɔ, i yɔgɔtaa sə, Təo hula kə, ləlaa sə maləkka yɔgɔtənana-i. 30 Tənaga Yesu tɔma-wə sə, Pə taga ma tɔ kə pə yɔgɔtaa yuu, ama mə tɔ kə. 31 Pənentegələ paa ko antulənya inə i tɔm. Na pənentegələ paa tɔgɔnə wei i təkə kawulaga kə antulənya ini i taa tɔ. 32 Na waato wei paa tɛ maga kpaasogo na isɔ tɔ, maa hɔ yəlaa tənaga ma kin. 33 Isənə pii la na i sə tɔgɔ i kɛsə mpo. 34 Mpogo samaa cɔ-i sə, Tuu ta kosəsəto takələsə taa tə nəəwa sə, Mesii ka caga tam. Ilə isənaga nya tɔŋ sə pə wɛɛ sə paa kpaasə Yolo Pəyaga? Awegele Yolo Pəyaga ŋkɛ ilɛ? 35 Tənaga Yesu tɔma-wə sə, Kəkɔ ŋka ka naa-mɛ tɔ pə kaasa-kɛgɛ wɛɛ naalɛ tike kə mə həkɔ kə. Pə tɔ ilɛ i kaasə mə tɔgɔ waato wei ka tɔŋna-mɛgɛ nao tɔ, pə taa kɔɔ na səkpetogo tuti-mɛ. Pə taga polo, wei i tɔŋna səkpetogo, i ta nyə timpi i puki tɔ. 36 I tɔŋgɔ kəkɔ konanaga ŋkɛgɛ waato wei ka wə mə cɔlɔ tɔ, na i ka pəsə kəkɔ ŋkɛ ka nyəma.

Yuta nyəma kisugu kə Yesu

Yesu tɔma-tɔgɔ yɔgɔtogo ilənə i pulu puuluŋ na i ŋmɛlə-wɛ. 37 Paa na i ka lapa piti tɔma kə sɔsɔm kə pa isəntaa tɔ, pa ta mo-i. 38 Na pə lapa mpo sə pə la teitei na tɔm nti antepu Isayi ka yɔgɔtaa tɔ sə,

Hai, ta Caa, pa taa kolom tii mo ta tɔm ntɔ?

Na pa taa nɔgɔlo tii hika Isɔ tuŋ ntɔ?

39 Pa ta tii pəsə na pa mo i tɔm tɔtɔ, halə Isayi tasa yɔgɔtogo sə,

40 Isɔ yolosa pa isɛ, na i ko pa ləmagasɛɛ,

Sə pa isɛ i taa na,

Na pa taa cəkəna pə yaasi,

Na pa taa kɔɔ na pa pəsənə ma tɔ sə ma la na pə waa-wɛ.

41 Pə taga polo tɔ kə Isayi yɔgɔta mpo, i nawa Yesu teeli, na i kɛsagaa Yesu ini i tɔm tɔgɔ.

42 Waato ini i taa Yuta nyəgo nyəma magamaga taa pagalɛ mo i tɔm. Ama Falisanə tɔ pa ta hətə pa tə, pə taga polo tɔ, pa nəgəsaga sə pə taa kɔɔ pa tɔgɔnə-wɛgɛ

Yuta nyəma cincilinaa taa. 43 Paa sɔla yɔlaa isantɛ na pɛ kɛlɛ Iso nyɛntɛ tɔgɔ.

Yesu koyɔgɔtoto ka wakɛlɛ lɛmpa

44 Yesu yɔgɔtɛna nɔgɔ sɔsaga sɛ, Wei i mo ma tɔm pɛ taga ma tike ma nyɛnto kɛ ponto mowa, ama na wei i tila-m tɔ i nyɛnto tɔtɔgɔ. 45 Na wei i na-m, i na wei i tila-m tɔtɔgɔ. 46 Ma kɔma antulɛnya taa kɛ isi kɔkɔ ŋka ka naa yɔlaa tɔ, sɛ ye wei i tɛŋa-m, ponto i taa saalɛ sɛkpɛtogo tɛɛ. 47 Ye wei i nɛkɛ ma tɔm na ii tɔkɛgɛ-tɛ, pɛ taga maa kona ponto tɔm. Pɛ taga polo, ma ta kɔɔ yɔlaa tɔm kogo tɔɔ, ama pa yapo tɔɔ kɛ. 48 Wei i kisa-m na i lɔɔ ma koyɔgɔtoto na lumaga waalɛ, ponto tɔm kolo wɛ i tɛɛ tɛnaga. Pɛ taga polo, tɔm nti ma kpaalaa tɔ, ntɛ ini tii kona ponto tɔm kɛ koyako kantɛkaga nyɛŋko wule. 49 Pɛ taga ma magamaga ma kanƙantɛ nyɛnto kɛ ma yɔgɔtaa, ama ta Caa wei i tila-m tɔ ini i magamaga i kɛɛsɛna-m nti maa yɔgɔtɛ na ma holɛ yɔlaa tɔ. 50 Na ma nyɛma sɛ i kotototo yekɛna na tɛ lataa hikigi weesugu ŋku kii tɛŋ tɔ. Ye mpo tɛ tɛna nti ma yɔgɔtɛgɛ tɛ tɛ wɛ teitei kɛ isi nti ta Caa heela-m sɛ ma yɔgɔtɛ tɔ.

Yesu ifalaa nɔɔhɛɛ kɔɔ

13 1 Pɛlɛ pɛ waalɛ pɛ tala koyako ŋku ko yakaga sɛ pɛ fe Paakɛ tɔgɔlɛ. Yesu nyɛma sɛ i waato talaa sɛ i kolɛ atɛ cɛnɛ na i kpa ta Caa kiŋ. I ka sɔla i nyɛma mpa pa wɛ atɛ cɛnɛ tɔgɔ tam kɛ, na mpo ini tɔtɔgɔ i tii sɔla-wɛ halɛna tɛnaga.

2 Mpogo Yesu na i ifalaa pa caga tɔgɔɔ. Ilɔgɔɔ ka tɛma hɔkogo sɛ Simɔŋ Isɛkaleeu pɛyalo Yutasɛ ka lana-i kolɔmɔtɔ. 3 Yesu nyɛma sɛ ta Caa to pɛ tɛnaga i niŋ taa, na i nyɛma tɔtɔ sɛ, i magamaga i lɛna Iso kiŋ, na Iso kiŋ tɛnaga i ka mɛlɛ. 4 Tɛnaga Yesu kola tɔtɔgɔlɛ na i hɔgɔsɛ i wuntu pɛ tɔɔ nyɛnto, na i kɛlɛ papao na i tɔgɔlɛ. 5 Ilɛna i cusi lom kɛ nyanaga taa, na i soo i ifalaa nɔɔhɛɛ kɛ kɔɔ, na i hɛɛsɛ-yɛ na papao wei i ka tɔgɔlaa tɔ. 6 I kɔma i tala Simɔŋ Piyɛɛ kiŋ, ilɛna ilɛ i tɔmɛ-i sɛ, Nyaga ta

Caa na n koo ma noohēē na? 7 Mpogo Yesu co-i sē, N ta cēkēnta nti ma lakē tō, ama n ka tē na n cēkēna-tē. 8 Tēnaga Piyēē tōma-i sē, Aai, pē fēi sē n kō ma noohēē kē paa pēco. Yesu co-i sē, Ye ma ta kō-ŋ, pē faga ma na-ŋ kēlē mpo. 9 Tēnaga Simōŋ Piyēē tōma sē, Ta Caa, ye mpo pē taa wēē ma noohēē tike, ama na ma niŋ na ma nyogo tōtō. 10 Yesu tōma-i sē, Wei i tēma sōo tō ii lēlēgē sōo, ama i noohēē kē i kōo kokōo. Pē taga polo, i tōnogo tēna wē tēnaŋŋ tō se. Mē mē wē tēnaŋŋ tōtō, ilē pē taga mē tēna. 11 Yesu tēma nyēm kē wei i ka lapē-i kolōmōtō tō, pē tōo kē i cugusaa sē, Pē taga mē tēna.

12 I tēma pa noohēē kōo na i suu i wuntu, ilena i taganē tētōgōlē kē mēlogo. Mpogo i pōosa-wē sē, I cēkēna nti ma lapa-mē tō? 13 Pē taga polo, i yaakogo-m mē Caa mē Caa na mē Sōsō tō, i wēna tampana. Ma kē mē Caa na mē Sōsō kē. 14 Tōo, ye maga mē Sōsō na mē Caa na ma kō mē noohēē, ilē mē tōtō i kōkō mē tēmaga mpo. 15 Ma lapaga sē i na na i la mpogo teitei isi ma lapo-mē tō. 16 Tampana kē ma heeligi-mē yuu, maa cēsēgē, ifalo nōgōlo i fēi wei i kēla i caa tō. Pēco tillu nōgōlo na fēi wei ilē i kēla i sōsō tō. 17 Tōo, pōnentē isi i nyēm tēnē ini tō, ye i tōka-tē, i kaa laŋ lēlēŋ nēēo.

18 Ilē pē taga mē tēnaga ma yōgōtōgē yuu, ma nyēma mpa ma lēsaa tō. Ama pē wēē kē sē pii la teitei na nti paa ŋmaao Iso Tōm taa tō sē,

Wei i tōkē ma tōgōnaga tō

I pōsa ma kuluntu.

19 Ma laalaa na ma heeli-mēgē-tōgē nōōnōō na tē ta lata, sē pē tii kōma na pē la ilē i ka tisi sē magalē wei ini tō. 20 Tampana kē ma heeligi-mē yuu, maa cēsēgē, ye wei i mo wei ma tilaa tō, maga ponto mowa. Na wei i mo ma, ponto mo wei i tila ma tōgō.

Yutasē tōm

21 Yesu tēma mpogo yōgōtōgo ilena pē pekēlē-i i howēē taa kē sōsōm. Ilena i tō sē, Tampana kē ma heeligi-mē yuu, maa cēsēgē, mē taa nōgōlo ka lana-m kolōmōtō. 22 Mpogo i ifalaa caa tēma isēntaa, mpi tō, pa

ta cəkəna wei i tɔm i yɔgɔtəgə tɔgɔ paa pəcɔ. 23 Yesu ifalaa taa lɛlo wei i ka sɔɔlaa tɔ, i caga i kɔŋkɔŋ taa. 24 Mpogo Simɔŋ Piyɛɛ cɛpɛla-i isɛ sɛ i pɔɔsɛ Yesu sɛ awe tɔm kɛ i yɔgɔtəgə. 25 Tɛnaga ifalo ini i wɛɛla Yesu lanlɛ tɔɔ na i pɔɔsɛ-i sɛ, Ta Caa, awege ye? 26 Yesu cɔ-i sɛ, Maa lii icaolɛ na ma cɛla-tɛgɛ wei, inɛgɛlɛ. I tɛma-tɛgɛ liiu, ilɛna i cɛla-tɛgɛ Simɔŋ Isɛkaleeu pɛyalo Yutasɛ. 27 Tuu isi Yutasɛ nyɛntogo na i mo icaolɛ ntɛ tɔ, Satanɛ tɔka-i kɛlɛ kpakpaa ini. Tɛnaga Yesu tɔma-i sɛ, Nti n caa lapo tɔ, la-tɛgɛ lɔŋ.

28 Ama pa tɛna mpa pa caga tɛtɔgɔlɛ tɔ, pa taa nɔgɔlo ta nyɛ mpi pɛ tɔɔ i yɔgɔta-i mpo tɔ. 29 Halɛ pa taa lɛlaa hookaga sɛ, ntanyɛ, Yutasɛ tɔkaga hulugu tɔ, Yesu caa kɛ sɛ i pulu na i ya polo na pa tɔgɔna ciŋkaalɛ tɔgɔ i yɔgɔta-i mpo. Yaa i heela-i kɛ sɛ i ha pologo konyɔntonaa. 30 Yutasɛ mo i icaolɛ ntɛ ilɛna i lɛɛ kpakpaa. Na waato ini tɔ ahuu tɛma yugu.

Kosɛsɛtɔ kofato

31 Waato wei Yutasɛ lɛɛwa ilɛna Yesu yɔgɔtɛ sɛ, Pɛnɛntɛgɛlɛ Yolo Pɛyaga ma ma teeli ka na te. Isɔ teeli ka tii na teu kɛ ma kiŋ. 32 Na pɛ kɔma na Isɔ teeli na ma kiŋ ilɛ, Isɔ ka yele na ma teeli na i magamaga i kiŋ, na i ka la nɔɔnɔɔ. 33 Ma piya mɛ, wɛɛ naalɛ tike kɛ pɛ kaasa-m mɛ hɛko. Pɛ waalɛ i ka pɛɛkɛ-m, ama i kaa pɛsɛ na i pulu timpi ma puki tɔ. Halɛ mpogo maa tii heela Yuta nyɛma, na ntɛ inɛgɛ ma lɛlɛgɛ-mɛgɛ heelugu tɔtɔ. 34 Ma togɛ-mɛgɛ kofato natɛlɛ tɔtɔ, sɛ i sɔɔlɛgɛ mɛ tɛma. Na isi ma sɔɔlogo-mɛ isɛntɛ tɔ, pɛ wɛɛ kɛ sɛ mɛ tɔtɔ mii sɔɔlɛ mɛ tɛmaga mpo. 35 Ye i tɔka mɛ tɛma sɔɔlogo ilɛ, mpogo yɛlaa tɛna ka nyɛ sɛ i kɛ ma ifalaa.

Piyɛɛ kpɛɛsogo tɔm

36 Simɔŋ Piyɛɛ cɔ-i sɛ, Ta Caa, lege n puki? Mpogo Yesu cɔwa sɛ, N kaa pɛsɛ na n tɛŋɛ-m nɔɔnɔɔ kɛ timpi ma puki tɔ, ama n ka tɛ na n tɛŋɛ-m. 37 Tɛnaga Piyɛɛ cɔ-i sɛ, Ta Caa, pepe tɔɔ kɛ ma kaa pɛsɛ ma tɛŋɛ-ŋ nɔɔnɔɔ? Halɛ ma sɔɔlo nya pɛɛwaga sɛ paa nya sɛm ma sɛ yaa.

38 Yesu cōwa sē, Tampana nya sōolo pēawa sē n sē ma sēm na? Ama Tampana kē ma heeligi-ŋ yuu, maa cēsēgē, mpi pii takē kampaao kuuu kē saŋa tō, n tēma-m tōm tuusu kē kpēsogo sē n ta nyē-m kē n ta nyē-m.

Yesu tēŋlaa takē Iso kiŋ

14 1 Mpogo Yesu tōma-wē sē, pē taa pēkōlō-mēgē mpo. I tēna Iso kē mē taa, na i tēna ma tōtō. 2 Ma Caa tēyaga taa luna tōwaga. Ilē ma puki na ma taganō-mēgē mē nyēna. Ama ye pē taa wēē mpo, ma taa nōkē-mēgē pē tōm heelugu. 3 Na ma pulaa na ma tēma mē luna anēgē taganogo, ilē maa mōlō na ma kpaŋa-mē, na ma sēē-mēgē ma kiŋ na i wēē timpi ma wēē tō. 4 I nyēma timpi ma puki tō pē mpaao. 5 Mpogo Tumaa cō-i sē, Ta Caa, tē ta nyē nya tēpute, ilē isēnaga tē lapa na tē nyē mpaao? 6 Yesu cō-i sē, Magalē mpaao, na ma kiŋ kē tampana wēē, na ma haana weesugu. Nōgolo kaa tala ta Caa na i ta tēŋna ma kiŋ. 7 Ye i nyēma-m i nyēma ma Caa tōtōgō. Na pē kpaŋao pēnente tō i nyēma-i na i na-i. 8 Mpogo Filipino cō-i sē, Ta Caa, n hola-togo ta Caa Iso pē magana-to. 9 Tēnaga Yesu cō-i sē, Filipino tuu ma na-mē tē wēo tō n ta nyēnta-m kēlē? Wei i na-m i na Caa Iso kē. Ilē isēnaga nya tēŋ sē ma holō-mēgē ta Caa Iso? 10 N ta nyē taa sē ma na ta Caa Iso tē wē kolom? Tōm nti ma heeligi-mē tō tē ta kē ma magamaga ma koluputu. Ta Caa Iso wei i wē ma kiŋ kē tam tō, ini i lakōna i magamaga i tēma. 11 Nti ma yōgōtōgē sē ma na ta Caa Iso tē wē kolom tō, i nēē ntē. Paa pē kōlō-we, tēma anē a magamaga a tō i mo-tē. 12 Tampana kē ma heeligi-mē yuu, maa cēsēgē, ye wei i mo ma tōm, ponto ka la tōtōgō tēma nna ma lakē tō, halē i ka la a kōkōlēē. Pē taga polo, ma puki ta Caa kiŋ tō se. 13 Na pē tēna mpi i ka sēlēmō ma tō tō, maa la-wē, na ta Caa teeli na Pēyaga ma ma kiŋ. 14 Ye i yaana ma hētē na i sēlēmō mpi, maa la-wē.

Feesugu Nanŋto kōntē tōm

15 Ye i sōlōgē-m i ka tōkōgē ma kosēsēto kē. 16 Na ma maa sēlēmō ta Caa na ilē i ha-mēgē lēlo wei i ka

səŋna-mε tɔ. Lelo inəgəle Feesugu ŋku ko ke tampana to tɔ, na ile i caga mə kiŋ ke tam. 17 Antulənya kaa pəsə na i hiki tampana to ini, pə taga polo, ii naakə-i piyele i ta nyəmə-i tɔ pə tɔɔ ke. Ama mε mə nyəma-i, mpi tɔ, i wε mə kiŋ ke tam, na i caga mə taa magamaga.

18 Maa yeki-mεge suluwaa se, ama maa mələ mə kiŋ. 19 Pə kaasa pəcɔ antulənya kaa tasa-m nao, ama mε mii na-m. Pə taga polo, ma wena weesugu na mε mii weena weesiŋ tɔ pə tɔɔ. 20 Waato inəgəle i ka cəkəna sə ma na ta Caa tə wε kolom, na i ka cəkəna tɔtɔ sə ma na-mε tə kpəntaa.

21 Ye wei i tisa ma kosəsəto na i tənəgə-tə, ponto sɔləna-m. Na wei i sɔla-m mpo tɔ ma Caa ka sɔlə-i, na maa sɔlə-i tɔtɔ. Na maa yele na ponto nyə-m. 22 Mpogo Yutasə pɔɔsa Yesu sə, Yutasə wei i pɔɔsa-i mpo tɔ, ile na i ntə na Isəkaleeu pəyalo Yutasə, Ta Caa, isənaga pii la na n ka yele na taa nyə-ŋ na antulənya na kaa nyə-ŋ? 23 Yesu cɔ-i sə, Wei i sɔla-m i təkəgə ma tɔm ke. Na ma Caa ka sɔlə-i tɔtɔ, na ma na ma Caa tii kɔɔ ponto kiŋ na tə caga tənaga tam. 24 Wei ii sɔləgə-m ile ii təkəgə ma koheelitu. Na tɔm nti i nəəkə ma yɔgətəgə tɔ, tə ta ke ma magamaga ma koluputu, ama ma Caa wei i tila-m tɔ i nyənto ke.

25 Tɔɔ, ma heela-mεge-təgəle na tə ta yata təma. 26 Wei ini i ka sənə-mεge mpo tɔ, inəgəle Feesugu Nanŋto wei ta Caa ka kənə-mεge ma tɔɔ tɔ. Ile i ka holəna-mεge tə tənə, na i ka tɔɔsə-mεge tə tənə nti maa heela-mε tɔ.

27 Ma yekina-mεge lanholomle nte. Ile lanholomle nte tə wε ma magamaga ma kiŋ tɔgɔ maa teləsə-mεge mpo. Ile pə taga isi antulənya haakogo i nyəntə tɔgɔ maa teləsə-mε. Pə tɔɔ tɔ pə taa pəkələ-mε, piyele i taa nya. 28 Tɔɔ, i tɔma nəəo ke nti maa heela-mε tɔ sə ma tεε, ama maa taganə mə kiŋ ke məlogo tɔ. Ile ye i sɔla-m mə laŋa ka holəmənə ta Caa kiŋ pute nte. Pə taga polo ta Caa kəla-m tɔ se. 29 Ma laalaa na ma heeli-mεge pə tənaga pənente na pə ta lata, pəcɔ waato wei pii kɔɔ na pə la tɔ i mo-tə. 30 Nɔɔnɔɔ maa pəsəgə na ma tasa-mεge

yəgətənao kē səsəm. Pə taga polo, wei i təkə kawulaga kē antulənya inē i tɔɔ tɔ, i kəŋna ntē. Ilē i kaa tii kpaga pologo ma tɔɔ. 31 Ama pə wēē sə antulənya i nyə sə ma sɔɔla ta Caa, na pə magamaga pə tɔɔ kē ma lakə pə tənə mpi i heeligi-m tɔ. Ilē i kolə tə tēē.

Togo kopan̄ko tɔm

15 1 Ma kēna togo kopan̄ko magamaga, na ma Caa kēlē ko to. 2 Piliŋasə tənə nsi sə həla ma tɔɔ na sii loləgə tɔ i sətəgə-səgə. Na piliŋasə tənə nsi sə loləgə tɔ, i pasəgə-səgə kɔo kē sə sə te, na sə sɔɔsə lologo kē səsəm tɔtɔ. 3 Kosəsəto nti ma sɛgesa-mē tɔ, ntə tə lapənə na mə magamaga mii te teu kē mpo tɔtɔ. 4 I kpentənə-m teu na maa kpentənə-mēgē teu tɔtɔ, na tə wēē mpogo tam. Pə taga polo ye piliŋa ta tamsənə togo, kaa pəsəgə na ka lolə pee kē yem. Mpo tɔtɔgɔ na mē, i ta kpentənə-m tam i kaa pəsə na i la polo.

5 Magalē togo, na mēgēlē piliŋasə. Ye wei i tamsənə-m na maa tamsənə-i, na tə wē tam kē mpo, ponto loləgə pee kē səsəm kē. Pə taga polo, ye ma fēi, mə taa nɔgolo kaa pəsə na i la pologo i tike. 6 Ye wei i ta kpentənə-m tam, pa lɔɔ-i taalē na waalə kē isi piliŋa na i wolə. Piliŋasə nsi sə wolaa tɔ, pa kpegeligi-səgə, na pa sɔ kəkɔ na sə nyaga. 7 Ye i kpentənə-m tam na i tɔka ma tɔm kē teu, i səlēmə mpi i caa tɔ, na i ka hiki-wə. 8 Ye i loləgə pee kē səsəm pə holəgə sə i kē ma ifalaa, na mpo pə togona ma Caa kē teeli. 9 Isi ta Caa sɔɔlogo-m tɔ, mpogo ma magamaga ma sɔɔla-mē. Ilē pə wēē kē sə tə sɔɔləgə təmaga tam kē mpo. 10 Ye i tɔka ma kosəsəto i kaa lə-m lugu kē paa pilee. Na pii la teitei isi ma tɔka ma Caa kosəsəto na ma ta lə-i lugu kē paa pəɔ tɔ.

11 Ma heela-mēgē tɔm tənēgē sə ma lan̄holomlē i tēləsə-mē, na i wēē lan̄holomlē taa tike. 12 Na nti ma togə-mē tɔgələ sə i sɔɔləgə mə təma isi ma sɔɔlogo-mē tɔ. 13 Sɔɔlogo nakolə ko ta kələ isi yolo sɔɔlogo i taapalaa halənə i sə pa səm tɔ. 14 Ye i tənəgə mpi ma to-mē tɔ na i lakə-wə, mēgēlē ma taapalaa. 15 Ilē pənentē ma kaa tasa-mēgē nyənogo isi ma təmle nyəma. Pə taga polo,

təmle to kaa nyə i caa kolapələ. Ama maa nyənə-mege ma taapalaa ke. Mpi tɔ, ma teləsa-mege pə tənə mpi ma hika ma Caa kiŋ tɔ. 16 Pə taga mə ləsəna-m, ama ma ləsəna-mɛ, na ma to-mɛ sə i pulu na i lolə pee nna a ka wɛɛ tam tɔ. Ye i lakə mpo, ma Caa ka ha-mege pə tənə mpi i ka yaana ma hətɛ na i sələmə-i tɔ. 17 Ilɛ nti ma tii to-mɛ tɔgələ sə i sɔləgə mə tɛma.

Antulənya nyəma kisugu ke Yesu

18 Ye antulənya inɛ i yələa taa kpana-mɛ, i nyə sə maga pa taa ka kpanaa na pəcɔ pə takə-mɛ. 19 Ye i ka ke antulənya inɛ i nyəma, i taa yələa mpe pa taa taa kpana-mɛ. Mpi tɔ, mə na-wɛ i pəsa kolom tɔ pə tɔɔ. Ama i ta tii keo i nyəma, pə taga polo, ma ləsa-mege pa taa tɔ se. Pə tɔɔ magamaga ke pa taa kpaana-mɛ. 20 I tɔɔsɛ tɔm nti maa heela-mɛ sə ifalo nɔgolo i fɛi wei i kəla i caa tɔ. Pə taga polo, isəna pa to maga konyɔŋ tɔ, mpo ini tɔtɔgɔ paa to-mɛ. Ye paa mo ma kosɛgɛsəto, paa mo mə nyənto tɔtɔ. 21 Paa la-mege pə tənaga mpogo ma tɔɔ, ilɛ pə taga polo, pa ta nyə wei i tila-m tɔɔ ke. 22 Ye ma taa kɔɔ na ma yɔgɔtəna-wɛ, pa taa yaa-wɛge isagalataa. Ilɛ pənente pa fɛina nti paa yɔgɔtə pa isagato tɔɔ tɔ. 23 Ye wei i taa kpaana-m, ponto taa kpaana ma Caa tɔtɔgɔ. 24 Ye ma taa la pa hɛko taa ke tɛma nna nɔgolo ta lata tɔ, isəntɔ pa taa yaa-wɛge asagaa. Ama pənente pa na-yɛ, pə na pə mpo pa kisa ma na ma Caa. 25 Ama pə lapa mpo pəcɔ pə la isi pa ŋmaao pa kosɛsəto takələsə taa tɔ sə, Pa kisa-m yem tɛfaa.

26 Wei ini i ka sənə-mege mpo tɔ, i ka kɔɔ. Inəgələ Feesugu ŋku ko ke tampana to na i ləna ta Caa kiŋ tɔ, na ta Caa ka cɛlɛ-mə-i na ma tisi-mege-i. Ini ini i kɔma i ka yɔgɔtə ma tɔm. 27 Na mɛ tɔtɔ i ka yɔgɔtə ma tɔm, mpi tɔ ma na-mɛ tii wenna hatuu kancaalaga.

16 1 Ma laalaa ke na ma heeli-mege isəntɔ sə pə taa kɔɔ na polopo la-mɛ na i kpisi Iso sɛɛo. 2 Paa tɔgɔnə-mege pa cincilinaa taa. Haləna pii kɔɔ na wei i pɛɛkəgə mə kogo tɔ, i ka hoo sə Iso təmlɛ ke ini i tɔŋa

lapo. 3 Pa pəsəgə pa la mpo, pə taga polo, pa ta nyə ma na ma Caa ta taa nɔgɔlo tɔ se. 4 Ilɛ ma heela-mɛgɛ mpogo səsə pə kɔma na pə tala pə waatə, i ka tɔsə sə maa tɛma-mɛgɛ-təgə heelugu.

Feesugu Nanɲto tɛma

Ma na-mɛ tii wɛ tɛma kiŋ tɔgɔ ma taa hulɛna-mɛgɛ-təgə heelugu. 5 Ama pənɛntɛ ma mələgə wei i tila-m tɔ i kiŋ, na mə taa nɔgɔlo kaa pɔsə-m sə lege ma puki? 6 Ama ma heelugu-mɛgɛ-tə tɔ, pə wakəla mə laŋa kɛ sɔsɔm. 7 Paa na mpo tampana kɛ ma heeligi-mɛ yuu, pə kəla teu sə ma tɛɛ. Pə taga polo, ye ma ta tɛɛ, wei ini i ka sənə-mɛgɛ mpo tɔ i kaa kɔɔ. Ilɛ ye ma tɛɛwa, maa yele na i kɔɔ-mɛ. 8 Na waato wei i ka kɔɔ tɔ, i ka holə antulənya samaa kɛ isənə pa ligita na pa ta cɛkənə isagato na tampana tənogo na Isɔ hoole pə tɔm tɔ. 9 Pa ta mo ma tɔm tɔgɔ pa ligita isagato tɔm. 10 Na ma mələgə ma Caa kiŋ na i kaa tasa-m nao tɔgɔ pa ligita tampana tənogo tɔm. 11 Pəcɔ pa tɛma antulənya inɛ i wulao tɔm kɛ kogo tɔgɔ pa ligita hoole tɔm.

12 Tɔmnaa mpa pə kaasa-m sə ma heeli-mɛ tɔ, tɔ tɔ pagalɛ. Ama tɔ mogo kɛ i kaa pəsə nɔɔnɔ. 13 Feesugu ŋku ko kɛ tampana to tɔ ko kɔma na ko kɔɔ ilɛ, kii holə-mɛgɛ tampana tənə tɛcaicai. Pə taga ko magamaga ko kanɲantɛ nyənto kɛ kii yɔgɔtə, ama nti ko nəəwa tɔgɔ. Piyele kii holə-mɛgɛ nti tii kɔɔ tɔ. 14 Kii to-m teeli, ilɛ pə taga pologo ma tən mpo, nti ma kaga ma heeli-mɛ tɔ, ntə tɔ magamaga kɛ kii kpaga na ko tɛləsə-mɛ. 15 Ma Caa nyəm tənə kɛ ma nyəm kɛ. Pə tɔ kɛ ma yɔgɔtaa sə, nti ma kaga-mɛgɛ heelugu tɔ tɔ magamaga kɛ kii kpaga na ko tɛləsə-mɛ.

Laŋwakəllɛ ka pəsə laŋholomlɛ

16 Pə kaasa wɛɛ naalɛ, na i kaa tasa-m nao, pəcɔ pə kaa la wɛɛ naalɛ na i taganə-m nao. 17 Tənaga i ifalaa taa napələ pa pɔsa tɛma sə, Wentigilɛ i yɔgɔta mpo sə pə kaasa wɛɛ naalɛ na tɔ kaa tasa-i nao, pəcɔ pə kaa la wɛɛ naalɛ na tii taganə-i nao? Sə ini i puki ta Caa kiŋ tɔ pə

tɔɔ? 18 Pepegelɛ i yaakɛ wɛɛ naalɛ kɛ cɛnɛ? Tɛ ta cɛ-kɛna nti i yɔgɔta mpo tɔ. 19 Yesu cɛkɛnaa sɛ i tɔm ntɛ tɛ lapa-wɛgɛ piti na pa caakaga-i tɛ pɔɔsogo, ilɛna i tɔ-wɛ sɛ, I pɔɔsɛgɛ tɛmaga nti ma yɔgɔtaa sɛ, pɛ kaasa wɛɛ naalɛ na i kaa tasa-m nao na pɛ kaa la wɛɛ naalɛ na i taganɛ-m nao tɔgɔ? 20 Tampana kɛ ma heeligi-mɛ yuu, maa cɛsɛ-gɛ, I ka wii na i sɛ, na yɛlaa ka wuŋ teu. I ka wɛɛ lanwakɛllɛ taa, ama mɛ lanwakɛllɛ ka pɛsɛ lanholomlɛ. 21 Saa wei alo nɛakɛ lologo wosasɛ tɔ, i wɛ piti taa kɛ sɔsɔm. Ama pɛ kɔma na pɛ tɔ-i, i sɔkɛ i wosasɛ tɔɔ kɛ. Pɛ taga polo, i lanlɛ hɛɛkɛ sɔsɔm, i kɛna moolo tɔ pɛ tɔɔ. 22 Teitei kɛ mpogo na-mɛ isi i wɛo lanwakɛllɛ taa kɛ isɛntɔ tɔ. Pɛ taga i ka saalɛ mpo se, ama mɛ lanja ka tɛ na a holɛmɛ, halɛna nɔgɔlo kaa tasa mɛ lanja kɛ wakɛlogo. Maa tasa-mɛgɛ nao tɔ pɛ tɔɔ.

23 Na pɛ wule ntɛ i kaa tasa-m natɛlɛgɛ pɔɔsogo tɔtɔ. Tampana kɛ ma heeligi-mɛ yuu, maa cɛsɛgɛ, pɛ tɛna mpi i ka sɛlɛmɛ ma Caa na i yaakɛ ma hɛtɛ tɔ, i ka hiki-wɛ. 24 Halɛna saŋa i ta yaata na ma hɛtɛ na i sɛlɛmɛ polo. I sɛlɛmɛ na i ka hiki, na pii la na mɛ lanja holomɛ sɔsɔm kɛ tam tɔɔ.

Yesu kɛla antulɛnya

25 Atuwa kɛ ma tukigi-mɛgɛ kotuku kɛ tɔm tɛnɛ tɛ tɛna. Pii kɔɔ na ma kaa tasa-mɛgɛ atuwa tukugu kɛ mpo, ama maa tolɛsɛ-mɛgɛ ta Caa tɔm kɛ kpakpaa tɛfuu. 26 Pɛ wule i talaa, i ka yaa ma hɛtɛ na i sɛlɛmɛ ma Caa, na ma kaa heeli-mɛ sɛ maa sɛlɛmɛna-mɛgɛ-i. 27 Ilɛ pɛ taga polo tɔɔ, ma Caa magamaga sɔɔla-mɛgɛ. Ilɛ mɛ sɔɔla-m na i togona sɛ i cɔɔgɔ ma lɛnaa tɔgɔ i sɔɔla-mɛ. 28 Ma Caa cɔɔgɔ ma lɛnaa na ma tii atɛ cɛnɛ. Na pɛnɛntɛ maa kolɛ atɛ cɛnɛ na ma mɛlɛ ma Caa kiŋ.

29 Tɛnaga i ifalaa tɔma-i sɛ, Anhaa, pɛnɛntɛ n yɛla atuwa tɔm, na n tolɛsɛ-togo kpakpaa tɛfuu. 30 Nɔɔnɔɔ tɛ nawa sɛ n nyɛma pɛ tɛna, na n cɛkɛgɛna nti yolo caa-ŋ pɔɔsogo tɔ na i ta tii pɔɔsɛta-ŋ-tɛ. Pɛ tɔɔ kɛ tɛ tɛma ta taa sɛ n lɛna Isɔ kiŋ. 31 Tɛnaga Yesu cɔwa sɛ, Mɛ sɛ pɛnɛntɛ i tɛma-m na mɛ taa yaa? 32 I yɛle ma heeli-mɛ,

pə wɛɛ pii kɔɔ, halə pə tii tɛma kɔntɛ tɛ, i ka ya mə tɛna na i mələ mə tɛsɛ taa, na i lɔ-m ma tike. Pə na pə mpo tɔ, n wiila teu n ka na sɛ pə ta yelɛ-m ma tike, ama ma na ma Caa tɛ wɛnna. 33 Tɔɔ, ma heela-mɛgɛ pə tɛnaga mpogo sɛ ma na-mɛ ta tɛma kpɛntɛnao i la na mə laɲa holomə. I ka na konyɔmɔŋ kɛ antulɔnya taa cɛnɛ tɛ, ama paa na mpo i tɔkə tɔnɔŋ, ma kɛla antulɔnya.

Yesu səlɛmogo kɛ i ifalaa tɔɔ

17 1 Yesu tɛma mpogo yɔgɔtaga ilɛna i teki i isɛ na isɔ na i tɔ sɛ, Ma Caa, wolɛ powagalɛ pɛnɛ, ilɛ kosɛ nya Pɛyaga ma ma nyogo, na nya Pɛyaga ma maa kosɛ nya nyogo tɔtɔ. 2 Pə taga polo tɔɔ, n sɛə-m yɛlaa tɛna sɔsɔ sɛsɛ ma ha pa tɛna mpa n cɛla-m tɔgɔ weesugu ŋku kii tɛŋ tɔgɔ. 3 Na weesugu ŋku kii tɛŋ mpo tɔ ko nyogo ntɛ sɛ, pa nyɛ sɛ nya tike tɔkuŋ ntɛ tampana Isɔ, na pa nyɛ nya tillu Yesu Klisti ma ma tɔɔ tɔtɔ. 4 Ma kosa nya nyogo kɛ yɛlaa taa, na ma tɛma tɛmlɛ nte n to-m sɛ ma la tɔ. 5 Ma Caa, pɛnɛntɛ kosɛ ma nyogo kɛ nya kiŋ isi maa wɛo hatuu lɔŋ kɛ nya kiŋ na pɛcɔ pa la antulɔnya tɔ pə taka.

6 Ma lapa na yɛlaa mpa n lɛsa lɛlaa hɛko na n cɛlɛ-m tɔ pa nyɛ-ŋ. Nyaa tɛnna-wɛ, ilɛna n mɛnna-wɛ na n cɛlɛ-m, na pa nɛnna nya tɔm. 7 Pɛnɛntɛ pa cɛkɛnaa sɛ pə tɛna mpi n cɛla-m tɔ pə lɛnna nya kiŋ. 8 Pə taga polo tɔɔ, tɔm nti n heela-m tɔ, ma heela-wɛgɛ-tɛ na pa mo. Pa nawa sɛ tampana nya kiŋ kɛ ma lɛnnaa, na pa tɛma pa taa sɛ nya tilina-m.

9 Ma səlɛmɛgɛ-ŋ na-wɛ. Maa səlɛmɛgɛna yɛlaa tɛnaga yem, ama mpa n cɛla-m tɔ mpɛgɛ ma səlɛmɛgɛna, pa kɛ nya nyɛma tɔ pə tɔɔ. 10 Pə taga polo, pə tɛna mpi ma tɔ tɔ, nya tɛnna, na pə tɛna mpi n tɔ tɔ ma tɛnna, na ma nyogo ka kolɔna pa kiŋ. 11 Ma kolɛgɛ atɛ cɛnɛ, na ma mələ nya kiŋ, ama mpɛgɛ pə yeki. Ma Caa kopɔŋ, tɔkə-wɛ na tuŋ wei n ha-m tɔ, na pa pɛsɛ kolom isi ma na-ŋ tɔ wɛo kolom tɔ. 12 Ma na-wɛ tii wɛo tɔ, nya tuŋ wei n ha-m tɔ i tɔɔ kɛ ma tɔka-wɛ. Ma kenta pa tɔɔ kɛ teu na pa taa nɔgɔlo ta la asaala, ye pə taga wei pii wɛɛ sɛ i

ka le yem tɔ i tike təkun, na tuu lɔŋ paa ŋmaa-təgə mpogo. 13 Pənente ma mələgə nya kiŋ, pə tɔɔ kɛ ma tii yɔgɔtəgə-tə na ma ta koləta atɛ cənɛ, sə ma tɛləsə-wɛgɛ ma lanholomlɛ na pa lanja holəmə teu. 14 Ma heela-wɛgɛ nya tɔm na antulənya yəlaa kisi-wɛ tɔpolopolo. Na pa ta kɛ antulənya nyəma, isi ma ta kɛ antulənya to tɔ. 15 Maa sələməgə-ŋ sə n ləsə-wɛgɛ antulənya taa, ama hatələnawɛ na Isagao kɛ. 16 Isi ma ta kɛ antulənya to tɔ, mpo tɔtɔgɔ pɛlɛ pa ta kɛ antulənya nyəma. 17 Nya tɔm kena tampana, ilɛ yele na tampana anə a pəsə-wɛgɛ nya nyəma təkpataa. 18 Isi n tila-m antulənya taa tɔ, mpo tɔtɔgɔ ma tiligi-wɛgɛ antulənya yəlaa taa. 19 Ma kpaga ma tɔ təkpataa na ma to nya niŋ taa kɛ pa tɔɔ, sə pa pəsə nya nyəma təsigisigi.


20 Pə taga pa tike pa tɔɔ kɛ ma sələməgə. Ama ma sələməgəna tɔtɔgɔ mpa paa kɔɔ na pa nəə pɛlɛ pa waaso na pa mo ma tɔm tɔ. 21 Ma sələmogo nte sə, pa tənə pa kpentə nɔgɔ kolomaga. Hai, ta Caa ta na-wɛ tɔ kpentə kolom isi ma na-ŋ tɔ kpentogo tɔmammam tɔ. Pa kpentə kolom, ilɛna antulənya na sə nya tilina-m. 22 Ma kosa pa nyɔɔŋ isi nyaa kosa ma nyənko tɔ, sə pa kpentə kolom isi ma na-ŋ tɔ kpentogo kolom tɔ. 23 Ma na-ŋ tɔ kpenta isənə tɔ, ma na-wɛ tɔ kpentə mpo. Ilɛna mpe paa kpentə kolom təkpataa, na yəlaa tənə na sə nya tilina-m, na n sɔɔla-wɛ isi n sɔɔlogo-m tɔ.

24 Ma Caa, ma lugu wɛɛ sə ma na mpa n cɛla-m tɔ tɔ wɛɛ tɔntəmle kɛ timpɪ ma wɛɛ tɔ, na paa na ma teeli wei n to-m tɔ. Teeli ini, n sɔɔla-m tuu lɔŋ na pɛcɔ pa la antulənya tɔgɔ n to-mə-i. 25 Ma Caa, tampana tənlo, antulənya yəlaa ta nyə-ŋ, ama ma, ma nyəma-ŋ, na panɛ ini pɛlɛ pa nyəma sə nya tilina-m. 26 Ma lapa na pa nyə-ŋ, na maa la na pa tasa-ŋ nyəm, pɛcɔ sɔɔlogo ŋku n sɔɔla-m tɔ n yele na ko wɛɛ pa hɛko tɔtɔ, na ma magamaga ma na-wɛ tɔ kpentə kolom.

Yesu kpao

18 1 Yesu tɛma tɔm tənɛ tɔ tənaga yɔgɔtogo ilɛna i na i ifalaa pa kolə na pa tɛɛ, na pa tɛsə Setəlɔŋ lɔɔ

waalə. Ilɛna pa soo təəŋ taalɛ natəlɛ nte tii wɛ tɛna tɔ tɔ taa. 2 I kəlɔmɔtɔ to Yutasə nyəma tənɛ ini, mpi tɔ tənaga Yesu na i ifalaa pa kutaga tam tam. 3 Yutasə kpaga sɔɔcɛnaa na cincili tanɔlaa kɛ caŋa, mpa kɔtɔlaa sɔsaa na Falisanaa pa tilaa tɔ, na pa pulu tɛna na pa tɔka yuuu wuntu na fətɔlanaa na kahulasə. 4 Yesu nyəma pɛ tɛna mpi pii magana-i tɔ, ilɛna i tuusəna pa tɔtɔ na i pɔɔsə-wɛ sɛ, Awege i pɛɛkəgə? 5 Mpogo pa cɔ-i sɛ, Nasaletɔ Yesu. Tənaga Yesu tɔma-wɛ sɛ, Magalɔ.



I kəlɔmɔtɔ to Yutasə ka wɛ pa hɛko taa tɛna. 6 Tuu isi Yesu heelugu-wɛ sɛ, Magalɔ tɔ, pa soo tapəŋ tulugu nte na pa huti atɛ. 7 Mpogo i tasa-wɛgɛ pɔɔsogo sɛ, Awege i pɛɛkəgə ye? Pa cɔ-i sɛ Nasaletɔ Yesu. 8 Yesu cɔ-wɛ sɛ, Ma tɛma-mɛgɛ heelugu sɛ magalɔ. Ye maga i pɛɛkəgə ilɛ i yele panɛ na pa tɛɛ. 9 I yɔgɔta mpo, pɛcɔ pɛ la teitei na nti i ka yɔgɔtaa tɔ sɛ, Mpa n ha-m tɔ pa taa nɔgolo ta la asaala. 10 Simɔŋ Piyɛɛ ka wɛna lagatɛ, mpogo i kpɛɛ-tɛ na i sɛtɔ kɔtolo sɔsɔ tɛmlɛ to ŋkpanɔgo ntɔgɔŋ nyəŋko. Pa yaa tɛmlɛ to ini sɛ Maləkusi. 11 Tənaga Yesu tɔma Piyɛɛ sɛ, Məŋna nya lagatɛ kɛ tɔ sugute taa. N hoo sɛ ma kaa tɔgɔ wahala sɔsɔ wei ma Caa to-m sɛ ma tɔgɔ tɔ?

Yesu punao kɛ Anaasə tɛ

12 Mpogo sɔɔcɛnaa caŋa tɛna na pa sɔsɔ na Yuta nyəma filisinaa pa kpa Yesu na pa hɔkɔ-i. 13 Ilɛna pa laaləna-i Anaasə tɛgɛ punao, na Anaasə ini i ka kɛ Kayifi wei pa kpa pənaga kanɛ ka taa kɔtɔlo sɔsɔ tɔ i yɔtɔ. 14 Na Kayifi ini i ka sɛgɛsəna Yuta nyəma sɛ, Pɛ kɛla teu sɛ yolo kolom i sɛ yɔlaa tɛna sɛm.

Piyee kpɛɛsogo tɔm

15 Simɔŋ Piyee na Yesu ifalo lɛlo pa tɛnaga i waalɔ. Kɔtɛlo sɔsɔ isɛm kɛ ifalo ini tɔgɔ i pɛsaa na i tɛŋ Yesu na i soo i taga tɔɔ. 16 Ama Piyee na malɛna nɔnɔkeelasɔ na awalɔ tɔɔ. Ifalo wei na kɔtɛlo sɔsɔ pa wɛ isɛmlɛ kɛ mpo tɔ, i lɛwa na i yɔgɔtɛna alo wei i tanɔ nɔnɔgɔ tɔ, na ilɛ i yeke na Piyee soo. 17 Tɛnaga tɛmlɛ to alo nyɛŋ nɔnɔgɔ tanlo inɛ ini i pɔɔsa Piyee sɛ, isi apalo ini i ifalaa mɛ taa wɛgɛlɛ? Mpogo i cɔwa sɛ, Aai, ma fɛi pa taa yuu.

18 Mpogo tɛmlɛ nyɛma na tanlaa mpa paa wɛ tɛna tɔ pa tagana kɔkɔ na pa huligi, wato ka wɛɛ tɔ pɛ tɔɔ. Na Piyee ka sɛŋa pa hɛko na i huligi tɔtɔ.

Kɔtɛlo sɔsɔ pɔɔsogo kɛ Yesu

19 Mpogo kɔtɛlo sɔsɔ pɔɔsa Yesu kɛ i ifalaa na i kosɛgɛsɛto pɛ tɔɔ. 20 Ilɛna Yesu cɔ-i sɛ, Ma ma yɔgɔta samaa taa tɛfuu, na tam ma sɛgɛsaga Yuta nyɛma cincilinaa sɛkpɛma taa na cincili sɔsɔ taa, timpi Yuta nyɛma kutigi tɔ, na ma ta ŋmɛsɔ tɛlɔ. 21 Pepe tɔɔ kɛ n pɔɔsɛgɛ-m mpo? Pɔɔsɔ mpa pa nɛɛ ma tɔm tɔgɔ nti ma heela-wɛ tɔ. Pɛlɛ pa nyɛma teu kɛ nti ma heela-wɛ tɔ. 22 Yesu cɔ mpo ilɛna tanlo nɔgɔlo wei i ka sɛŋa tɛna tɔ i tɛ casa-i katanɔ, na i tɔ sɛ, Kɔtɛlo sɔsɔ kɛ n cɔ mpo? 23 Tɛnaga Yesu tɔma-i sɛ, Ma yɔgɔtogo mpo tɔ, ye ma lapa taalɔ, holɔ-togo timpi ma lapɛna taalɔ tɔ. Na ye taalɔ fɛi nti ma yɔgɔtaa tɔ tɛ taa, ilɛ pepe tɔɔ kɛ n mapa-m?

24 Mpogo Anaasɔ kpaga-i na i puna-i kɔtɛlo sɔsɔ Kayifi na i hɔkɛto kɛ mpo.

Piyee tasa kpɛɛsogo

25 Pɛ na pɛ lapo tɛnaga mpo tɔ, Simɔŋ Piyee wɛɛ na i huligi kɔkɔ. Mpogo pa pɔɔsa-i sɛ, Hei nya tɔ, pɛ taga apalo ini i ifalaa mɛ taa wɛgɛlɛ? Tɛnaga i kpɛɛsaa sɛ, Ma fɛi pa taa yuu. 26 Kɔtɛlo sɔsɔ tɛmlɛ nyɛma taa nɔgɔlo, wei i lologo to ŋkpanɔgo Piyee ka sɛtaa tɔ, i pɔɔsa-i sɛ, Pɛ taga nya na-i kɛ ma na tɛŋ taalɛ nte tɛ taa tɛna? 27 Mpogo Piyee tasa kpɛɛsogo sɛ, Aai. Ilɛna kampaa kuu kpakpaa.

Yesu ke Pilatə kpaŋkpaŋ taa

28 Pələ pə waalə pa kpaga Yesu ke Kayifi tɛgɛ tanan ahula tɛɛ na pa puna-i kofɛnɛɛ tɛ. Ama pa magamaga pa ta soo təhoole taa, sə pə taa kɔɔ na pa taa pa tɔgə asilima na pa yele Paakə tɔgɔɔ. 29 Pə tɔɔ ke kofɛnɛɛ Pilatə ləwa na i sən-wɛgɛ kosən na i pɔɔsə-wɛ sə, Suwege mə na apalo ini? 30 Tənaga pa cɔ-i sə, N nyəma sə i taa ke isagao ilɛ tii kɔna-ŋə-i ke? 31 Ilena Pilatə tɔ-wɛ sə, I kpaga-i mə magamaga na i tən isəna mə seliya wɛɛ tɔ na i hoonai. Mpogo Yuta nyəma tɔma-i sə, Tə fɛina mpaaɔ sə tə ko nɔgolo. 32 Pə lapa mpogo sə pə la teitei na tɔm nti i ka yɔgɔta saa wei i kɛɛsagaa sɛm mpi i ka sə tɔ. 33 Mpogo Pilatə mɛla tɔyaga na i yaa Yesu na i pɔɔsə-i sə, Nyagale Yuta nyəma wulao sɔsɔ na? 34 Tənaga Yesu cɔwa sə, Nya hoonatɔgə nya magamaga yaa nɔgolo heeləna-ŋ ma tɔm ke koheelu? 35 Ilena Pilatə sə, Ha, nya Yuta to nte ma na? Nya piitim nyəma magamaga na kɔtəlaa sɔsaa kɔnna-ŋ ma kiŋ. N wakəla we? 36 Yesu cɔwa sə, Ma kawulaga ta ke atɛ cənɛ nyənka. Ye ma kawulaga ka ke cənɛ nyənka, ma ifalaa ka yuu ma yuuu, sə ma taa soo Yuta nyəma niŋ taa. Aai, pə taga atɛ cənɛ kawulaga ke ma təkə. 37 Tənaga Pilatə tɔma-i sə, Sɛsɛ n ke wulao ke? Mpogo Yesu cɔ-i sə, Ntəgələ n yɔgɔta mpo, ma ke wulao sɔsɔ. Tampana yɔgɔtogo tɔɔ ke pa lola-m, na pə magamaga pə tɔɔ ke ma tii tii atɛ cənɛ. Mpa pa tənɛgə tampana tɔ pa nəəkə ma tɔm. 38 Tənaga Pilatə nɔgɔ təkpaɔ sə pepege nya tii yaa tampana ye?

Pa to Yesu kogo pələ

I tɛma mpogo yɔgɔtaga ilena i tasa ləəo ke Yuta nyəma tɔɔ na i heeli-wɛ sə, Ma ta na isagatiya ŋka i lapa na i mona sɛm tɔ. 39 Pə wɛɛ sə paa Paakə wei ma cɛ-mɛgɛ saləka to tɔ, ilɛ i caa sə ma cɛ-mɛgɛ mə Yuta nyəma wulao sɔsɔ na? 40 Tənaga pa tasa kukuule sə, Tii caa ini, ama Palapaasə ke tə caa n cɛ. Piyele Palapaasə ka ke ŋməlo kpitikipiti ke.

19 1 Mpogo Pilatē tōma-wē sē pa puna Yesu na pa casa-i akpatē. 2 Ilēna sōcēnaa loo sōwa kē nte-nugu na pa te i nyogo, na pa suu-i kpai koseem. 3 Ilēna pa soo i tē na pa sēekē-i sē, Yuta nyōma wulao, fō. Na pa makē-i kataasē.

4 Mpogo Pilatē tagana samaa tō kē lēnao. Ilēna i tō sē, I nē yee, maa lēsē apalo inēgē awalē cēnē, pēcō i cēkōna teu sē ma ta na isagatiya ŋka i lapa na i mona sēm tō. 5 Tēnaga Yesu lēwa na i sōwa nte-nugu na i kpai koseem ini. Ilēna Pilatē heeli-wē sē, Mē yolo ntō. 6 Waato wei kōtōlaa sōsaa na tanlaa pa na-i tō, pa naala kakiisasē sē, Isi pa kama-i sēm tesika tō. Isi pa kama-i sēm tesika tō. Mpogo Pilatē cō-wē sē, Ye mpo i puna-i na i kamē-i tesika tō kē mē magamaga. Tōfō ye ma, ma ta na isagato nti i lapa na i mona sēm tō. 7 Tēnaga Yuta nyōma cōwa sē, Ta kokilugu nakolē ko wē, na ko tō, isi tō ko-i. Kōŋkogolē sē i yaa i tō sē Iso Pōyalo.

8 Waato wei Pilatē nē tōm tēnē tō, sōgōnto sōsa-i kpao. 9 Ilēna i mēlē kpaŋkpaŋ taa na i pōsē Yesu sē, Lege nya tē? Ama Yesu ta cō-i paa fō. 10 Tēnaga Pilatē pōsa-i sē, Ma pōsēgōnana-ŋ na nn cōkē? N ta nyō taa sē ma nōkaa ma kaŋē-ŋ, pēcō ma nōkaa ma yele-ŋ na n tē? 11 Ilēna Yesu cō-i sē, N fēina nya tēgē ma tō, ye pō taga isi Iso hana-ŋ pō tuma. Pō tō kē wei i kpa-m na i cēlē-ŋ tō, ponto ntē isagao na pō kōlō nya. 12 Tuu isi Pilatē nēo tōm ntē tō i sōsa isōlē ntē sēsogo kē isōna i ka la na i yele-i tō. Ama Yuta nyōma nika kiisugu sē, Ye n yela-i, pō wē isi nyaa tēŋgē Lum wulao sōsō ikpatē ntē. Yolo i cōkē na i heeligi sē i kē wulao, ponto na Lum wulao sōsō pa wē kulūna kē mē.

13 Pilatē nē mpo ilēna i lēna Yesu kē awalē kē taakpamogo tō, ilēna i magamaga i kpa hoolē kumte tō na i caga. Hepōla nyōma na yaa-ko sē Kapata na pa tē taa. 14 Pō pamna koyako ŋku ko yakaga sē pō fe Paakē tō ko wule, na waato ini tō, ilim puki sikugu. Mpogo Pilatē tōma Yuta nyōma sē, Mē wulao ntō. 15 Ilēna pa naalē kakiisasē sē, N ka ko-i kē. N ka ko-i kē. Isi n kama-i sēm

tesika tɔɔ. Mpogo Pilatə pɔɔsa-we sə, i tɛŋ mə taa sə ma ka mə wulao na? Mpogo kɔtɔlaa sɔsaa cɔwa sə, Lum wulao sɔsɔ tike kɛ tɔ nyənəgə ta wulao, nɔgɔlo fei tɔtɔ. 16 Mpogo i cɛla-wɛgɛ Yesu sə pa kamə-i tesika tɔɔ.

Yesu kam kɛ sɛm tesika tɔɔ

Mpogo pa kpa Yesu na pa tɛɛna-i. 17 Yesu ləə icatɛ taa na i sɛgɔla i tesika sə i pukina timpɪ pa yaa sə nyompɔgɔlaga tɛ tɔ. Hepɔla nyɔma yaa tənɛ ini sə Kɔləkɔta na pa tɛ taa. 18 Tənaga sɔɔcɛnaa kama-i sɛm tesika tɔɔ, na pa ka yɔlaa kɛ naalɛ kɛ pɛlɛ pa nyənɛsɔ tɔɔ tɔtɔ, inɛ na cənɛ, inɛ na cənɛ, na pa to Yesu kɛ hɛko.

19 Mpogo Pilatə yɔgɔtaa sə pa ŋmaa tɔm na pa matɔ i tesika tɔɔ sə, Yuta nyɔma wulao sɔsɔ Nasaletɔ Yesu kɔlɔ. 20 Yuta nyɔma pagalɛ kalaga tɔm tənɛ, mpi tɔ icatɛ nɔgɔ kɛ paa kama Yesu, pɛcɔ paa ŋmaa-tɔ na Hepɔla taa, na Lum taa, na Kələkə taa. 21 Tənaga Yuta nyɔma kɔtɔlaa sɔsaa pulaa na pa yɔgɔtɔ Pilatə sə, Pɔ fei sə n to mpo sə Yuta nyɔma wulao sɔsɔ. Ama n ka ŋmaa kɛ sə i magamaga i yɔgɔtɔna sə inəgɔlɛ Yuta nyɔma wulao sɔsɔ. 22 Kɛna Pilatə naa cɔ-we sə, Nti ma ŋmaawa mpo tɔ, ntɔ tɔ cagana.

23 Sɔɔcɛnaa tɛma Yesu kɛ kam kɛ mpo ilɛna pa kpaɣa i wuntu na pa tala-təgɔ tɔm ligiti na paa wei i kuu. Mpogo pa kpaɣa i capa tɔtɔ na capa ini pa ta nyala-i konyalo, ama pa loo-i koloo kɛ itamsao kɛ yem kɛ pɔ kpaɣao i lugu na pɔ tii i atɛ tɔgɔ. 24 Ilɛna pa tɔ tɛma sə, Tɔ taa cɔlɔ-i, ama tɔ tɔ tɛtɛ na tɔ na sə awe ka tɔgɔ-i. Pa lapa mpo sə pɔ la teitei na nti paa ŋmaa Isɔ Tɔm taa tɔ sə,

Pa tala ma wuntu.

Na pa tɔ tɛtɛ kɛ ma capa tɔɔ.

Mpi sɔɔcɛnaa pɛlɛ pa lapa tɔgɔlɛ.

25 Yesu tuu na ilɛ i neu, na Kolupasɔ alo Mali, na Makɔtala Mali, pa tɔna pa sɔŋa Yesu tesika kiŋ tɔna. 26 Yesu nawa i tuu sɔŋa tɔna, na i ifalo wei i ka sɔɔlɛ tɔgɔ i tuu kɔŋkɔŋ taa tɔna. Ilɛna i heeli i tuu ini sə, Alo nya, nya pɔyalo kɛlɛ. 27 Na i heeli i ifalo ilɛ sə, Nya tuu kɛlɛ. Na pɔ wule ntɛgɛ i ifalo ini i kpeena-i i tɛ.

Yesu sām


28 Pələ pə waalə waato wei Yesu nawa sə pə tēna pə magaa ilēna i yəgətə sə, Lokoto wēna-m. I yəgəta mpo sə pə la teitei isi paa ŋmaao Iso Təm taa tɔ. 29 Lom konyəŋəm napələ pii su fulaga nakələgə tēna təpam. Mpogo sɔccēnaa caa saŋ na pa ŋmilisi lom mpə pə taa na pa too isəpo piliŋa tɔ na pa holēna i nəgɔ. 30 Yesu mosa lom mpə ilēna i tɔ sə, Pə tēna pə magaa kələ. Ilēna i ka i nyogo na i hɛɛ.

Yesu kəŋkəŋ səpə

31 Pə pamna koyako ŋku ko yakaga sə pə fe na pa soo Paakə tɔgɔo taa tɔ ko wule, na Yuta nyəma lugu fəi pə fe pa koyako kohɛɛsogo na yələa mpɛ pa wɛ pa tesikasə tɔ kɛ mpo. Pə taga polo, koyako kohɛɛsogo ŋko ko kɛ pa koyako sɔsɔŋko kɛ. Pə tɔ kɛ pa sələma Pilatə sə i yele na pa pələ mpa pa kama mpo tɔ pa nɔɔhɛɛ na pa tisi-wɛ. 32 Ilēna sɔccēnaa pulu na pa pələ i na mpa paa kama tɔ pa taa lələ nɔɔhɛɛ, ilēna pa tɛɛsə lələ nyəna. 33 Pa kəma pa pulu Yesu nyəna tɛɛsogo ilēna pa magana i tɛma səpo, ilēna pa yele-yɛ. 34 Ilēna sɔccēnaa taa nəgɔlo sɔ i kəŋkəŋ taa kɛ ŋmantaga, na caləm na lom pə ləə təyaa. 35 Yolo wei i na təm tənɛ na i isəpələ tɔ ini i heeləna-mɛgɛ pə tampana, pə tɔ kɛ i tampana heelugu pənɛ pə magaa. Na i heela-mɛgɛ tampana kɛ mpogo sə i mo-tə. 36 Pə ta ləə mpogo yem, pa ŋmaawa Iso təm taa kɛ tuu ləŋ kɛ sə, Pa kaa pələ i mogolɛ natələ. 37 Na Iso Təm ntə tə taa kɛ tiili tɔtɔ sə, Paa tɛ na pa na wei paa tolaa tɔ.

Yesu pim

38 Pa tɛma mpo ilēna Alimatee Yosefo pulu na i sələmə Pilatə sə i kpakəgə Yesu. Yosefo ini i ka kɛ Yesu tənlo kɛ, ama i nyanagana Yuta nyəma ilēna i ŋmɛsəgə i tə. Mpogo Pilatə tisaa, ilēna Yosefo pulu i kpaga Yesu. 39 Tənaga Nikutəm wei i ka pula Yesu kiŋ kɛ ahuu taa tɔ ilɛ i kəna tulaalo miili na alowɛɛ na pə sitaa na pə wɛ kilunaa isi hiunaanowa. 40 Mpogo pa naalɛ pa kpaga sətə na pa mɛɛlə-i ləŋ pəŋkaholoŋa saalasə na pa yəgələgə



tulaalonaa. Yuta nyɔma i piŋ yolo mpogo pa lakɔ. 41 Timpi paa kama Yesu kɛ sɔm tesika tɔɔ kɛ mpo tɔ halɔm napɔlɔ pii wɛ tɔna, na pɛ taa ka wɛ pɔlaao kofalogo ŋku ko taa pa ta pinta nɔgolo tɔ. 42 Mpogo pa puna-i na pa pimi-i ko taa kɛ ko ta hatɔlɔna tɔna tɔ pɛ tɔ, piyele pɛ tii feŋaga Yuta nyɔma koyako kohɛɛsogo kɛ.

Pa magana pɔlaao kɛ kpɛtɛ

20 1 Makɔtala Mali kola lɔŋ kɛ cimaasɔ tanaŋ ahula tɛɛ na i pulu pɔlaao tɔɔ na i maganaa sɔ pɛɔ fei poogo nɔgɔ. 2 Mpogo i kpaga asewa na i pulu Simɔŋ Piyɛɛ na ifalo lɛlo wei Yesu sɔɔlaa tɔ pa kiŋ, na i heeli-wɛ sɔ, Pa lɔsa ta Sɔsɔ kɛ pɔlaao taa na tɔ ta nyɔ timpi pa sɛ-i tɔ. 3 Tɔnaga Piyɛɛ na ifalo ini pa lɔɔwa na pa pulu pɔlaao tɔɔ. 4 Pa naalɛ pa seekaga, ama ifalo lɛlo ini i kɔla Piyɛɛ kɛ sewa, na i laalɔ-i pɔlaao kiŋ kɛ tate. 5 I lunaa na i wiili, ilɛna i na lɛŋ saalasɔ kɛ atɛ, ama i ta tii pɛ taa. 6 Simɔŋ Piyɛɛ kɔma na i tala, ilɛna i tii pɔlaao taa kɛ kpakpaa na i na saalasɔ nsɔgɔ atɛ. 7 Na saalaga ŋka paa taka Yesu nyogo tɔɔ tɔ, saalaga kanɛ ka fei saalasɔ lɛŋsɔ kiŋ, ama pa kpila-kɛ na pa sɛ-kɛ na ka mpaa. 8 Mpogo ifalo wei i ka laala pɔlaao kiŋ kɛ tate tɔ, ilɛ i

tæesa tiuu na i na na i tisi. 9 Pə taga polo, tuu tɔ pa ta cəkənta nti pa ŋmaa Iso Tɔm taa sə Yesu ka sə na i fe tɔ tɔ tɔm. 10 Tənaga i ifalaa mpe pa mɔla pa tɛgɛ pa naalɛ.


Makətala Mali nawa Yesu

11 Mpogo Mali na saala pɔlaao tɔɔ na i wiiki. I wiikaga mpo ilena i luŋ na i wiili pɔlaao taa. 12 Ilena i na malɛekanaa kɛ naalɛ na pa suu wuntu koholomto na pa caga timpi paa hɛsa Yesu tɔ, lɛlo kɛ i nyogo tɔɔ, na lɛlo na i nɔɔhɛɛ kiŋ. 13 Tənaga malɛekanaa mpe pa pɔɔsa-i sə, Alo nya, pepe lapa-ŋ na n wiiki? Mpogo i cɔ-wɛ sə, Ma Sɔsɔ kɛ pa lɛsa pɔlaao taa na ma ta nyə timpi pa sɛə-i tɔ. 14 I yɔgɔtaga mpo ilena i pəsə i waalə na i na Yesu sɛŋaa, ama i ta nyə sə ini. 15 Tənaga ilɛ i pɔɔsa-i sə, Alo nya, pepe lapa-ŋ na n wiiki mpo? Awege n pɛɛkəgə? I hookaga sə haləm to kɛ, ilena i tɔmə-i sə, Ye nya kpagana-i, heeli-m timpi n sɛə-i tɔ na ma pulu ma kpage-i. 16 Tənaga Yesu yaa-i sə, Mali. Ilena Mali pəsəna Yesu tɔɔ na i yaa-i na Hepəla taa sə, Laponi, ta Caa kɛ pa yaa mpo na Hepəla taa. 17 Mpogo Yesu tɔma-i sə, Yele-m, taa təkə-m mpo. Ma ta kpata ma Caa kiŋ na pɛcɔ. Ama pulu na n heeli ma taapalaa sə ma kpaa ma Caa na ma Iso wei i kɛ mə Caa na mə Iso tɔtɔ tɔ i kiŋ. 18 Tənaga Makətala Mali kolaa na i pulu i heeli i ifalaa sə, Ma na ta Sɔsɔ. Ilena i kɛɛsə-wɛgɛ nti Yesu ka heela-i tɔ.

Yesu ləə i ifalaa tɔɔ

19 Cimaasə ini i taanaga tɔɔ i ifalaa ka kuta kutulugu nakolə ko taa, na pa kaləsə pa tɔɔ kɛ pa nyanagana Yuta nyəma tɔ pə tɔɔ. Mpogo Yesu ləə pa hɛko taa tɛsɛlɛ, ilena i tɔ-wɛ sə, Iso i hɛɛsə laŋa. 20 I tɛma-wɛgɛ sɛɛo kɛ mpo, ilena i holə-wɛgɛ i ntantakəŋ na i kəŋkəŋ. I ifalaa na-i mpo ilena pa laŋa holəmə teu. 21 Na Yesu tasa-wɛgɛ sɛɛo na i tɔ-wɛ sə, Iso i hɛɛsə mə laŋa. Isi ma Caa tila-m tɔ, ma magamaga ma tiligi-mɛgɛ mpo tɔtɔ. 22 I tɛma mpogo yɔgɔtaga ilena i husu heelim kɛ pa tɔɔ, na i heeli-wɛ sə, Feesugu Nanŋto i tii mə tɔɔ. 23 Mpa mpa

paa la isagato na i holə-wεge suulu tɔ, paa na suulu. Ama mpa mpa i kaa holə suulu tɔ pεle pa kaa na suulu.



Yesu na Tumaa

24 Yesu kɔm pa naanowa na naale kiŋ tɔ, pa taa lelo Tumaa wei i ke tumpu tɔ, i fei pa heko. 25 Mpogo ifalaa lelāa kɔma na pa heeli-i sɛ, Tɛ na ta Sɔsɔ. Tɛnaga i tɔma sɛ, Ye ma ta na i ntantakɛŋ taa ke nyɛma luna, na ma to ma mpile ke luna anɛ a taa, na ma takɛ i kɛŋkɛŋ taa, ma kaa mo-tɛgɛ paa pɛɔ.


26 Cimaasɛ sikaa ilɛna Yesu ifalaa tasa kutugu ke tɛyaga taa na Tumaa wε pa heko. Na Yesu lɛɛ pa heko tɛsɛlɛ na i sɛŋ, na nɔnɔsɛ kalɛsa mpo. Na i tɔ-wε sɛ, Isɔ i hɛsɛ laŋa. 27 Ilɛna i tɔ Tumaa sɛ, To nya mpile ke cɛnɛ, na n na ma niŋ taa. Na n kɔna nya niŋ na n takɛ ma kɛŋkɛŋ taa. Taa la sika tɔtɔ, ama tisi. 28 Mpogo Tumaa tɔma sɛ, Hai, ma Caa na ma Isɔ. 29 Na Yesu pɔsɛ-i sɛ, N na-m tɛgɛle n tisaa? Mpa pa ta na-m pɛɔ pa tisaa tɔ, pa nɛɛ lelenɛ ke.

Mpi pɛ tɔɔ pa ŋmaa takɛlaga kanɛ tɔ

30 Yesu lapa i ifalaa isentaa ke piti tɛma pagale tɔtɔ, nna pa ta ŋmaa takɛlaga kanɛ ka taa tɔ. 31 Ama pa ŋmaa tɛnɛ tɛlɛgɛ sɛ, pɛ la na i tisi sɛ Yesu kele Isɔ Pɛyaga Mesii, na i tisa mpo i hiki weesugu ke i tɔɔ.

Yesu ləə i ifalaa naatusumpogolaga tɔɔ

21 1 Pələ pə waalə Yesu tasa ləəo kə i ifalaa tɔɔ kə Tipeliyatə tenku nɔgɔ. Na isəntɔgɔ i lapa. 2 Koyako nakolə Simɔŋ Piyɛɛ na tumpu Tumaa na Kalilee. Kana to Natanayɛɛ na Sepetee piyalaa na i ifalaa taa napələgə naalə pa kutaa na pa cagaa. 3 Mpogo Simɔŋ Piyɛɛ tɔma-wɛ sə, Maa pulu tiina kpao. Tənaga pələ sə, Tii tənə-ŋ. Iləna pa kolə na pa pulu pa kpa kpiliya taa, na ahuu anə pa ta hiki paa polo cəcəka. 4 Pə kɔma sə pə nyaaləgə iləna Yesu tə kɔm na i sən koten tɔɔ, ama i ifalaa ta nyə sə ini. 5 Tənaga Yesu kpɛɛsa-wɛ sə, Ma pəyalaa mɛ, i ta hiki polo taa? Iləna pələ pa cɔ-i sə, Aai yuu. 6 Iləna i tɔ-wɛ sə, I pətə pulugu na kpiliya ntəgɔŋ tɔɔ na i ka hiki tiina. Mpogo pa pɛta-ko na pa kpisa ko ləsogo kə



lom taa. Tiina su katatɔlaga tɔ pɛ tɔɔ. 7 Tɛnaga ifalo wei Yesu sɔɔlaa tɔ i tɔma Piyɛɛ sɛ, Ta Sɔsɔ kɛ.

Tuu isi Simɔŋ Piyɛɛ nɛɛo mpo sɛ ta Sɔsɔ tɔ, tɛnaga i cupa i wuntu na i tɔgɔlɛ na i ŋmaa lom taa, mpi tɔ, pii pamna i ka caga kpɛtɛ kɛ. 8 I ifalaa lɛlaa kɔmna kpiiliya na pa hɔŋ pulugu na ko suna tiina. Pa taa hatɔlɛna koteŋ, pii wɛ isi mɛɛtɔlɛnaa nɛɛnowa. 9 Pa tala koteŋ tɔɔ ilɛna pa magana mamala na a tɔɔ kɛ tiina na kakalasɛ sɛ pɛ haŋ. 10 Tɛnaga Yesu tɔma-wɛ sɛ, Tiina nna i kpawa nɔɔnɔɔ tɔ, i lɛsɛ a taa naalɛ na i kɔna. 11 Mpogo Simɔŋ Piyɛɛ kpa kpiiliya taa na i tuu pulugu na i lɛsɛ tɛto tɔɔ, na ko suna tiina koyasɛlɛɛ, na a nyogo wɛ nɛɛnowa na nɛɛlɛnnaanowa na tuusu. Paa na a tɔɔo kɛ mpo tɔ, pulugu ta cɛlɛ. 12 Mpogo Yesu tɔma-wɛ sɛ, I kɔɔ na i lɛsɛ sɔntɔ. Na i ifalaa taa nɔgɔlo ta nɔkɛ-i pɔɔsogo sɛ, Awege-i? Pa nyɛma-i sɛ ta Sɔsɔ tɔ pɛ tɔɔ. 13 Tɛnaga Yesu tuusaa na i kpaga kakalasɛ na i cɛlɛ-wɛ, na i lapa tiina kɛ mpo tɔtɔ.

14 I fem waalɛ, tɔm tuusu nyɛm ntɔ i lɛɛkogo i ifalaa tɔɔ tɔ.

Yesu na Piyɛɛ

15 Pa tɛma tɔgɔo ilɛna Yesu pɔɔsɛ Simɔŋ Piyɛɛ sɛ, Yuhanɛ pɛyalo Simɔŋ, N sɔɔla-m na pɛ kɛlɛ panɛ? Mpogo i cɔ-i sɛ, Nn ta Caa, nya magamaga n nyɛma sɛ ma lugu wɛ-ŋ. Tɛnaga Yesu tɔma-i sɛ, Paasɛna ma iwɛɛsɛ. 16 Mpogo i tasa-i pɔɔsogo sɛ, Yuhanɛ pɛyalo Simɔŋ, n sɔɔla-m? Ilɛna i cɔ-i sɛ, Nn Ta Caa, nya magamaga n nyɛma sɛ ma lugu wɛ-ŋ. Ilɛna Yesu tɔmɛ-i sɛ, Paasɛna ma heeŋ. 17 Mpogo i tasa-i pɔɔsogo kɛ tɔm tuusu nyɛm sɛ, Yuhanɛ pɛyalo Simɔŋ, nya lugu wɛ-m? Tɛnaga Piyɛɛ lanlɛ wakɛlaa, isi i tasogo-i pɔɔsogo kɛ tɔm tuusu nyɛm sɛ, Nya lugu wɛ-m tɔ. Ilɛna i cɔ-i sɛ, Ta Caa, n nyɛma pɛ tɛna. N nyɛma sɛ ma lugu wɛ-ŋ. Ilɛna Yesu cɔ-i sɛ, Tɔo, paasɛna ma heeŋ ilɛ. 18 Tampana kɛ ma heeligi-ŋ yuu, maa cɛsɛgɛ, waato wei n ka kɛ ifepu tɔ, n lɛlaga nya tɛgɛ nya tampala na n tɛɛkɛ timpi n sɔɔlaa tɔ. Ama n kɔma n kpatɛlɛ, n ka kpaasɛ nya niŋ na lɛlo ka lɛlɛ-ŋ nya tampala

na i ka puna-ŋ timpi n ta sɔɔlə tɔ. 19 I yɔgɔta mpo sə i holɔgə sɔm mpi Piyɛɛ ka sə na pə kosə Isə nyogo tɔ. I tɛma mpogo yɔgɔtaga ilɛna i heelə-i sə, Təŋə-m.

Yesu na i ifalo kosɔɔlo

20 Piyɛɛ pəsaa ilɛna i na ifalo wei Yesu sɔɔlaa tɔ na i təŋɔgə pa waalə, na ifalo ini i ka wɛɛlɛna Yesu lanlɛ tɔɔ kɛ tətɔgɔlɛ taa na i pɔɔsə-i sə, Ta Caa awe ka lana-ŋ kɔlɔmɔtɔ? 21 Piyɛɛ na-i ilɛna i pɔɔsə Yesu sə, Ta Caa, na inɛ ilɛ se, ilɛ i ka tɛna we? 22 Tənaga Yesu cɔ-i sə, Ye ma nɔkaa sə i caga mpo halɛna ma kɔntɛ, nya nyənto suwege pə taa? Nyaa təŋə-m te. 23 Tənaga ta taapalaa tɛɛna-tə sə i ifalo inɛ i kaa sə. Piyɛle Yesu na ta heeli Piyɛɛ sə i kaa sə, ama i tɔmaga sə, Ye ma nɔkaa sə i caga mpo halɛna ma kɔntɛ, nya nyənto suwege pə taa?

24 Ifalo ini i magamaga i kɛɛsɛna tɔm tɛnɛ na i to-tɔgə takɔlagə taa. Na tɔ nyɛma sə pə tɛna mpi i tɔma sə pə lapa tɔ, tampana mpogo pə lapa.

Tɔm kantəkaga nyənto

25 Yesu lapa tɔma pagalɛ pagalɛ lenna na ye paa tɔma sə pa ŋmaa a tɛna tɛɛicɛi kɛ takɔlasə taa, ma ta hoo sə sii maga antulɛnya inɛ i tɛna i taa.